



## Gobierno ta anuncia 'toque de queda'

Pagina 3

- **25 mil trahado por perde trabou**  
Pagina 15

- **Minister di Salud Hulandes a renuncia**  
Pagina 9

- **Cantidad di morto na Italia a surpasa China**  
Pagina 14

### Trahado na aeropuerto ta test positivo pa COVID-19



**ORANJESTAD** – Awe, Aeropuerto Internacional Reina Beatrix a manda un comunicado di prensa informando tocante medidanan adicional cu ta implementando, relaciona cu un trahado na aeropuerto cu a test positivo pa coronavirus.

“Aeropuerto Internacional Reina Beatrix, relaciona na situacion di COVID-19 a prepara un serie di escenario como preparacion pa kico posiblemente por pasa na aeropuerto. AUA Airport a drenta e siguiente fase di escenario COVID-19, mirando cu aeropuerto a ricibi informacion di un dunado di trabou den comunidad di aeropuerto cu un usuario di aeropuerto a test positivo pa COVID-19”, aeropuerto a bisa den su declaracion. “E situacion actual tabata describi den un di nos scenarionan y AAA ta checutando awo e medidanan perteneciendo na e escenario aki den forma organisa.”

“AAA ta trahando pa identifica tur persona cu tabatin contacto directo cu e dunado di trabou kende tambe ta tumando medidanan preventivo.

-Tur empleado di AAA den grupo di riesgo a wordo manda cas inmediatamente pa suspension relaciona cu COVID-19.

-Dunado di trabou di empleado cu a test positivo a tuma precaucion y ta den cuarentena. A cera e luga di trabou en cuestion.

-AAA ta bezig cu e doño di trabou pa identifica otronan kende tabata den contacto cu e empleado en cuestion.

-AAA ta haciendo un limpieza profundo di e area di trabou en cuestion como medida di precaucion.

-AAA a informa tur empleado di AAA y comunidad di Aeropuerto Internacional AUA di e desaroyonan recien pa cu COVID-19.

Tres empleado di AAA a ser manda cas como medida di precaucion pa auto-cuarentena pa e siguiente 14 dia, como cu nan tabata den contacto directo of indirecto cu e empleado di e compania tercero cu a test positivo.

Keda sigur cu AAA lo sigui implementa su plan di accion den reaccion inmediato na cualkier desaroyo relaciona cu e crisis andando.”



Pagina 2

### Hospital cu tent pa separa pashent cu virus



Pagina 7

### Jamaica cu prome morto di coronavirus



*Hospital tin entre 12 pa 16 mashin di hala rosea*

## Alrededor di 30 cama disponibel pa pashentnan complica cu coronavirus



**ORANJESTAD – Ayera Horacio Oduber Hospital (HOH) a duna un update riba nan preparacion pa atende cu e presencia di e coronavirus na Aruba. Pero tambe nan a referi riba e prome caso reporta di coronavirus cu a recupera satisfactoriamente na Aruba.**

### Pashent number 1

Dr. Rodenburg, kende ta infectologo di HOH y miembro di e team di hospital pa atende cu coronavirus, ta esun cu a confirma cu e prome caso di coronavirus trata riba nos isla a recupera satisfactoriamente.

Ta trata di asina yama 'pashent number 1'. E ta un con-

sultant Mericano cu a bin Aruba pa realiza algun trabou pa e compania di utilidad WEB N.V. Durante su estadia na Aruba, el a bira malo y el a test positivo pa coronavirus.

E persona aki a keda den isolacion den HOH pa haya atencion medico contra e virus. Unabes cu el a duna bon señal di recuperacion, pues e

no tabatin sintomanan mas, a haci un segundo test cune, y esaki a sali negativo.

E pashent a sali di su isolacion y el a bandona nos isla den air ambulance. E caso aki a bira e prome pashent di coronavirus cu a wordo trata satisfactoriamente riba nos isla. Actualmente tin 4 caso positivo di coronavirus na Aruba.

### Mashin di hala rosea

HOH a duna contesta riba e pregunta di Bon Dia Aruba riba cuanto mashin di hala rosea hospital tin disponibel pa atende e pashentnan cu por presenta problema di respiracion causa pa coronavirus. El a bisa cu normalmente hospital 5 te cu 7 mashin pa hala rosea, pero e ekipo di unidad di cuidado intensivo (ICU) a percura pa amplia e capacidad di e tipo di mashin aki.

Awor HOH ta conta entre 12 pa 16 mashin disponibel pa e pashent cu coronavirus. Pero tambe tin luga disponibel pa e pashentnan regular, si mester di e tipo di mashin aki. Pa evita cualkier tipo di contagio, nan a traha un plan pa pone e pashent regular cu mester di e mashin di hala rosea, apart di e pashent cu tin coronavirus.

### Medidanan

Dr. Rodenburg a indica cu den e sala di emergencia cu ta e porta di HOH, nan a instala un tent pafo 24x7 pa separa e pashentnan cu tin sospecho di coronavirus for di otro pashentnan. E ta un medida tambe pa evita di contagia e hospital, ya cu e ta bira un punto di control cu presencia di dokter y enfermero pa dicidi kico nan ta bay haci cu

e pashent. Ya sea cu e pashent por bay cas. Of si e mester bay emergencia pa wordo evalua, pero tambe si e pashent mester keda interna den HOH. E team cu ta realiza e trabou aki tin tur medida di proteccion implementa.

E especialista aki a laga sa cu paden di hospital tin un departamento of seccion disponibel pa atende cu e casonan di coronavirus y nan personal ta prepara y ekipa pa realiza e trabou aki.

Nan a move un seccion di pashentnan regular di hospital pa otro sitio den e mesun instalacion di HOH. E sitio aki a wordo condiciona debidamente pa mantene e pashent isola y pa nan no bira un fuente di contaminacion den hospital. Nan sistema di aircro ta apart y e no ta conecta cu e sistema general di HOH. E ta full un piso cu a prepara y ekipa pa ricibi pashent cu tin malesa infeccioso manera Covid-19.

Hospital tin actualmente 30 cama disponibel pa e pashentnan cu coronavirus cu ta haya complicacion. Ademas di e camanan cu nan tin den ICU pa atende cu e casonan aki.

Tambe nan a minimalisa e contacto entre pashent y dokter y tambe entre pashentnan mes. E cita ta wordo realiza pa medio di telefon of 'cita-telefon.' Pues e pashent no mester bay na oficina di nan dokter na HOH. Igualmente nan a bin cu cambio riba e orario di bishita pa minimalisa e riesgo di contaminacion di e virus den HOH.

## Un caso recupera di coronavirus, 4 positivo y 127 den cuarentena

**ORANJESTAD – Despues cu a keda conoci cu un pashent cu tabata positivo pa coronavirus a recupera satisfactoriamente, awor e cantidad di pashent positivo cu e virus aki a bira cuater na Aruba.**

Ayera mainta, PR di departamento di Salubridad Publico (DVG), Jurette Croes a duna un actualisacion riba e casonan di coronavirus. Ademas di e cuater caso isola cu a test positivo pa e virus aki, el a informa cu tabatin 61 caso cu a test negativo. Ademas a test 70 persona, y actualmente tin

127 persona den cuarentena.

Igualmente el a laga sa cu e conferencia di prensa caminda nan ta duna update relaciona cu e coronavirus, nan a dicidi di hal'e for di orario di mainta pa 2or di atardi. E motibo tras di e decision aki tin di haci pa duna un miho informacion na comunidad pa loke ta update, y e cambionan cu ta tuma luga durante dia.

Den caso cu tin preguntanan cu e no por contesta den nomber di DVG, nan lo wordo anota y minister presi-

dente mes lo contesta na nan, durante su rueda di prensa diario di 8or di anochi. Nan website ta: [www.arubacovid19.org](http://www.arubacovid19.org), caminda tur persona interesa por haya update di Gobierno di Aruba y nan decisionnan pa atende cu e tema di coronavirus riba nos isla. Tambe tin informacion importante di DVG riba con pa preveni e virus aki.

El a reitera cu mirando e cantidad di persona cu ta den cuarentena e momento aki ta di gran importancia pa e personanan cu ta bao cuarentena mantene nan mes na in-

struccionnan cu nan ta haya di DVG. Riba pagina 32 di edicion aki, Bon Dia Aruba ta publica otro articulo riba isolacion y cuarentena a base di informacion duna pa DVG. Di e forma aki nos tur evita cu e malesa Covid-19 por sigui plama den nos pais. E consejo principal ta pa keda cas y aplica distancia social.

E persona cu mester sali pafo ta importa pa e aplica e medidanan di higiena, specialmente laba man frecuentemente. Pero tambe evita di touch cu bo wowo, nanishi y boca, ya cu esaki ta e manera

cu e virus ta drenta den nos sistema. Ademas esun cu ta malo keda na cas y absolutamente no sali pafo.

Croes a informa comunidad cu e call center number 280-0101, aworaki ta destina exclusivamente pa persona cu tin sintomanan di tosamento, dolor di garganta y dificultad pa hala rosea. Especialmente pa esunnan cu a bin di biahe for di un pais, unda cu tin Covid-19 of si nan tabatin contacto directo cu un persona cu ta positivo pa e virus.



*Entrante diasabra awor*

## Gobierno ta anuncia 'toque de queda'

**ORANJESTAD** – Den rueda di prensa di ayera nochi Prome Minister Evelyn Wever-Croes a anuncia cu ta pasa pa e medida di imposicion di un 'toque de queda' (curfew, avondklok) cu ta bin na vigor entrante diasabra awor, dia 21 di maart, por lo pronto te cu dia 31 di maart. Un toque de queda ta encera un prohibicion total pa cualkier persona pa ta riba caya durante e orario indica, cu lo ta di 9or di anochi te 6or di mainta.

E motibo pa haci esaki, segun e mandatario, ta cu ta observa demasiado movimiento di hende den oranan laat di anochi, cu ademas ta aglomera na cierto lugarnan, aumentando asina e riesgo di yuda plama e coronavirus mas ainda. Esaki no lo ta cuadra cu e esfuerzonan cu ta haci actualmente pa para propagacion di e virus riba nos isla. Durante e rueda di prensa Alto Comisario Andrew Hoo a duna un splicacion tocante e castigo cu por

duna segun nos Codigo Penal, cu ta un multa cu ta bay te na un maximo di 10.000 florin.

Tur persona cu lo ta drentando ainda na Aruba, residente cu ta bolbe, lo ta sometido na regimen di cuarentena di 14 dia. Pa loke ta esnan cu a haya un aviso di cuarentena, y a firma cu nan a haya esaki y no ta tene nan mes na e regimen aki, es decir keda cas na tur momento, cu debido distancia di e demas famia cu ta biba ey, por haya un multa cu ta bay te na 10.000 florin.

Tambe el a anuncia cu entrante diasabra awor lo bin un paro completo di entrada di persona di exterior; esey ta conta tambe pa residentenan di Aruba cu ta desea di regresa. Esaki tambe ta un medida te cu 31 di maart, suheto na evaluacion despues, segun cu e situacion aki desaroya.

**Nota di redaccion:** E medida aki ta toca e corantnan na Aruba di mal



manera, si nan hendenan cu ta traha anochi y marduga (imprensa), y e distribuidornan no por pasa busca e corantnan manera di custumber den marduga. Si mester cumpli cu e orario di toque de queda

anto mester cera redaccion pa 6or, pa por sali di trabao na tempo pa yega cas pa mas tarda 9or. Y lo ta fair anto si gobierno tene su ultimo rueda di prensa 4or di atardi, pa nos por informa nos lec-

tornan debidamente pa su mañan mainta. Nos ta spera cu por bin un solucion pa e situacion aki, sino ta pone parti importante di prensa di Aruba 'fuera di combate'. Esey no por ta e intencion.

*Minister Xiomara Maduro;*

## 'No mester tin panico, tin suficiente producto pa abastecer demanda local'

**ORANJESTAD** – Minister di Finanzas, Asuntonan Economico y Cultura, Xiomara Maduro durante un conferencia di prensa a trece dilanti e topico di productonan cu lo tin prijs maximo temporal y a duna e mensahe pa comunidad keda tranquil y no drenta den panico.

Maduro a informa cu nan ta haci lo corecto pa comunidad por haya e productonan necesario den e momento aki di crisis. El a menciona cu tin un canasta di productonan y cu henter mundo

ta enfrentando retonan na e momentonan aki cu e virus COVID-19.

Maduro a señala cu e decision lo drenta na vigor awe dia 20 di maart y a wordo tuma pa e parti di productonan di higiena, cu temporalmente ta bay ta regula. Esaki ta nifica cu ta bay pone un margen riba cual e productonan por wordo bendi, pa asina evita y purba contene riesgo di keda afecta pa COVID-19.

E productonan ta desinfectante pa uso personal como hand sanitizer, alcohol 70%,

glacial y habon, pa productonan di uso domestico ta cloro, Lysol y tambe wipes, bebidanan cu ta contene electrolyten, papel di WC, ekipo di proteccion manera mondmask y glovenan, bruki pa baby, frutanan seco, baby wipes, cereal como corn flakes plain, frozen fruits, frozen chicken whole legs y chicken wings.

Di mesun manera, el a manifesta cu nan a sinta cu e comerciantenan mayorista di Aruba pa asina por repasa e lista aki, pero tambe pa indica pakico nan a tuma e decision,

debi na e necesidad y na e hecho cu esaki lo ta temporal y no lo forma parti di e canasta basico. Pero si lo wordo regula pa motibo cu tur hende mester di esaki pa higiena y pa contene e contagio cu e virus.

Di e reunion ey, Maduro a bisa cu tabatin asistencia di e 98% di mayoristanan di Aruba. Durante e reunion nan a yega na un bon entendimiento pa loke ta e margen cu lo pone ariba e productonan aki, pa asina nan por ta accesibel, na un prijs economico.

El a reitera cu esaki no ta un medida pa aumenta prijs pa pueblo, pa via cu el a mira riba red social Facebook cu hendenan ta bisa cu el a aumenta prijs pa productonan. Tocante esaki el a comenta cu el a bin cu un prijs maximo pasobra el a wak kico a pasa na momento cu e noticia di e virus a yega Aruba y hopi hende a bay cumpra den cantidad grandi; supermercado tabata yen di hende y p'esey el a duna e mensahe pa hende keda tranquilo.

"Tin suficiente producto pa por abastecer e demanda lo-

cal", Maduro a sigura. El a informa cu na e momentonan aki no ta e caso cu cierto producto lo ta 'out of stock'.

El a insisti hende no mester cumpra di mas, mester corda riba esunnan cu ta mas vulnerabel den comunidad y no crea un escasez pa e isla.


Tambe, el a bisa cu el a papia cu e mayoristanan tocante e ampliacion di canasta basico, cu pa un tempo largo tabatin 11 producto y cu a haci algun cambio. A amplia e canasta basico cu mas producto y den e prome fase cu a bay na vigor desde februari, tur productonan frozen a bin aden y tin algun producto di e otro fase cu ta spaghetti, pasta, papa havermount, hariña, lechi likido duradero den tetrapak of boter, cu na e momentonan nan ta drenta den e canasta basico y lo anuncia esey despues. Esey ta e canasta basico. Banda di dje temporalmente gobierno ta pone lista di e diesun producto di e parti di higiena y cuminda basico, cu lo wordo regula na e a tres luna y despues nan lo bolbeevalua cu a mayoristanan pa wak si lo wordo amplia of lo sigui cune.





Arubiano cu a bolbe di exterior:

## ‘Mi no a haya instruccion con pa pone mi mes den cuarentena’



**ORANJESTAD – Un Arubiano kende recientemente tabata di bishita na Europa, a conta nos con e proceso di bolbe Aruba tabata, den cuadro di medidanan global relaciona cu coronavirus.**

E persona a papia den condicion anonimo, mirando cu ta un situacion hopi delicado y no kier expone su mes y otro nan rond di dje na violacion di privacidad. El a conta Bon Dia Aruba cu e tabata na Europa pa algun tempo, pero a dicidi di stop su biahe trempa y bolbe Aruba na momento cu coronavirus a bira un pandemia, mirando cu prome minister, Evelyn Wever-Croes a pidi pa tur Arubiano bolbe lo mas pronto posibel.

“Na e ciudad unda mi tabata, tabata boet hende si ta riba caya sin motibo. A rekeri tur hende pa bisti mondmask den

publico. Si bay un shop of luga publico sin mondmask, e shop ta haya boet. Tambe a institui medidanan special pa hende di edad avansa, manera haci uso di shop den cierto oranan exclusivo. Pa haci uso di transporte publico mester bisti mondmask.”

Mirando cu varios aerolinea a laga sa cu lo stop operacion, e persona a tuma decision pa adelanta su fecha di regreso. Pa cambia su ticket original no tabatin costo. Pero despues, pa motibo di prohibicion di entrada na Aruba, a cancela su vuelo. Toch a logra reschedule cu KLM, pero na momento cu a bay pa check in, a bisa cu e vuelo ta cancela y pa re-book. Esaki no tabata posibel online sino solamente tumando contacto cu un agente of na aeropuerto. E persona a purba tuma contacto cu KLM na e ciudad unda e tabata, KLM na Hulanda, of via WhatsApp, pero e number

semper tabata zona ocupa. A purba pa oranan largo henter dia, sin resultado.

Durante su conferencia di prensa algun dia atras, Wever-Croes a duna un number di ATA pa pidi asistencia den casonan asina. E persona aki a yama e number en cuestion pa splica su situacion, cu a haya problema pa re-book y cu no por haya contacto cu e aerolinea. “ATA a dura varios ora pa contesta, y nan contesta tabata unicamente cu KLM ainda tin vuelo y por tuma contacto cu e aerolinea – esaki despues cu mi a splica cu no por tuma contacto.” Segun e persona, ATA a limita na bisa cu vuelonan ainda tabata saliendo, sin ofrece mucho ayudo. “Mi a tende cu varios persona tampoco a haya ayudo di ATA.”

E persona a dicidi di djis bay aeropuerto y mira si por subi riba e vuelo cu a purba

di re-book. “Mi a pack tur cos y bay aeropuerto pa 6am. Mi tabata e prome persona eynan.” Aeropuerto na e ciudad Europeo aki tabata bashi. Na momento cu a yega KLM pa check in, tabatin apenas 5 persona su dilanti, poco poco un rij chikito a cuminsa forma su tras. “E personanan mi tras tabata tosa aki aya, pero no tabatin ningun control en absoluto. Tabatin apenas 2 desk habri di KLM, e resto tur tabata bashi.”

Na e desk, a puntr’e si su ultimo parada ta Aruba, si e ta residente. A keda papia riba telefon te cu supervisor mester a bin. “Mi kier sa mi a keda 10 minuut ta warda.” El a recorda cu a haya un conseho pa muestra identificacion di Aruba pa agilisa e proceso. “Net ora di aborda pa sali di e ciudad caminda pa Amsterdam, nan a bolbe puntra si mi ta biba na Aruba. Mi a muestra nan mi rijbewijs y nan a laga mi pasa di biaha.”

Den henter e aeropuerto caminda pa yega gate pa aborda, un persona so el a mira. “Esaki ta prome biaha cu mi ta bay pasa Customs y ta ami so. Ami so tabata eynan.”

Bon Dia Aruba a puntra ki screening a haci prome cu laga pasahero aborda. “Ni na e ciudad unda mi tabata ni na Amsterdam tabatin screening di salud, ni laga check bo temperatura, ni puntra si tin sintoma.”

Unicamente stranhero cu permiso ‘short-stay’ tabatin mag di sali di e ciudad en cuestion, persona cu permiso permanente di residencia of residente mes no mag di sali.

“Avion pa Amsterdam tabata hopi bashi, djis hende Hulandes y par di hende Mericano purbando di yega Merca, por ta.” Pero e vuelo directo pa Aruba tabata pio, pasobra esey tabata casi solamente Arubiano. E vuelo ta-

bata bayendo Bonaire pero pasando Aruba. “Asina mes, tabatin, segun mi por calcula, 20 hende, contando hende di Bonaire.” El a saca e potret adhunto di e avion den cual el a biaha di Amsterdam pa Aruba.

Pa ‘weight balance’ a pone tur hende sinta na e bentana. Tur hende tabata sinta dilanti. E piloto a pasa mira si tur hende tabata sinta na su luga. Poco prome cu despegue, un steward a scoje hende pa manda patras di e avion, alrededor di 4 persona. A bisa cu ta pa via di ‘weight balance’ y cu por a bay bek na e asiento original. “Nos tabata mas tanto sinta tras di otro, pero na e bentana.”

“Na momento di biaha di avion, net prome cu yega Customs, tabatin un polis cu un hende den full hazmat suit, cu un thermometer den su man. Bo ta yega, e ta pone na bo frenta mientras ta puntra si den ultimo dianan tabata sinti tosamento, dolor di garganta, keintura. No? Dal bay.”

“Na momento di muestra bo paspoort pa entrada, nos a ricibi e documento pa firma. E documento ta splica cu tur hende mester yuda pa combati crisis di virus.” A pone nan firma cu nan a compromete e acuerdo. Sin embargo, no ta duna instruccion cla con pa cuarentena, con ta bay forsa cumplimento. No a bis’e nada di con precies pa pone bo mes di cuarentena, ni duna ningun instruccion. Tampoco a informa e persona aki si lo tin chequeo durante cuarentena.

Pa awo, e ta kedando cas, purbando di evita contacto cu miembronan di su famia. “Mi ta bisti mondmask ora mi bay den areanan comun, y keda leu di mi famia”, el a bisa.







**Editor**  
 Caribbean Speed Printers N.V.  
 Aruba Bank N.V. Acc. #332668  
 Caribbean Mercantile Bank N.V.  
 Acc. #23951903  
 RBC Royal Bank Acc. #1330772

**Ass. Dir. Ehecutivo**  
 Xiomara Arends

**Redaccion Ehecutivo**  
 Leo Maduro (hefe de redaccion)  
 Nicola Gonzalez (redactor ehecutivo)  
 Pilar Flores (redactor ehecutivo)

**Redaccion**  
 Benjamin Romero  
 Kenna Hernandez  
 Andreina Morillo

**Departamento Digital**  
 Juan Luis Pinto

**Ehecutivo di Benta**  
 Sulaika Croes  
 email: sulaika.croes@cspnv.com

Linda Reijnders

**Aviso y Arte**  
 Sandra Loefstop  
 Lisa Tromp  
 Shannon Geerman

**Administracion**  
 Mariette Engelhart  
 Martha Arteta de Ariza  
 email: accounting@bondia.com

**Distribucion**  
 Jenny Kelly

**Coleccion**  
 Evelinda de Cuba - Tromp

**Pre Press**  
 Luis Fernando Arenas (Hefe)  
 Pablo Libre

**Press**  
 Roland Schenker (Hefe)  
 Omar Ramirez  
 Martin Boekhoudt  
 Francis Dirksz

**Colaboracion**  
 Luis Villegas  
 Associated Press  
 Ret Karibense  
 Upload Media Aruba

**Afiliacion**  
 Sociedad Interamerica  
 di Prensa (SIP)

**DIRECCION**  
 Adres: Weststraat #22  
 Tel: 582-7800 / Fax: 582-7044  
 Email: noticia@bondia.com  
 aviso@bondia.com  
 Website: www.bondia.com  
 Facebook: @bondianoticia  
 Instagram: bondiaaruba

**BON DIA ARUBA** ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



# Editorial

**Aruba mester medida...**  
*Cu ta bay yuda di berdad...*

E brote di e corona virus a causa cu yen di negoshi a cera porta y tambe hopi persona a keda sin trabao. Un advertencia serio cu ta indica cu “prome cu cos drecha e lo bira peor”. Banco Central no tin hopi reserva, por ta 3, 4 of maximo 5 luna ya cu no tin casi ningun importacion. Entrada no tin pasobra turismo a desaparece, cu anualmente ta percura pa gran parti di nos exportacion – di servicio – di alrededor di 4.000 miyon florin. E trahador averahe di Aruba ta usa su placa pa compra di producto y servicio. Of ta manda remesa na nan pais di origen, si ta trata di inmigrante, causando asina huida di divisa. Nos ‘spaar-quotum’ na Aruba ta relativa abao compara cu paisnan cu e mesun nivel di desaroyo. Esaki ta e motibo cpakico e reserva di Banco Central no ta surpasa 3 a 4 luna di importacion. E shutdown di turismo ta significa cu nos fuente mayor di entrada (na divisa) a desaparece den aire. E concecuencianan di esaki ta mas grandi di loke nos a conoce den añanan 1980 (cu ciere di Lago) y na 2008 cu e crisis economico y financiero global, y nos no ta premira un recuperacion prome cu fin di año. Djis pensa cu cinema, restaurant, biaha-mento, bus y otro transporte publico ta riba un paro casi completo.

nada otro di busca ayudo den forma di un fianza grandi for di gobierno Hulandes bao di condicionnan hopi favorable, pa por surpasa e periodo dificil aki. Cu ciere di Lago e tempo aya nos gobierno a busca un prestamo na Hulanda di 100 miyon florin. Na e momento aki na nos humilde opinion nos mester un suma di por lo menos 20 biaha mas grandi. Claro cu mester calcula y determina e suma, algo pa expertonan financiero bao guia di por ehemplo un econometrista, sosteni pa un grupo di experto den materia financiero. Pa ta mas claro: 2 mil miyon florin cual ta mas o menos 50 % di loke nos ta produci actualmente como pais pa año. E placa di prestamo aki mester ta destina pa sostene nos economia y mantene hende na trabao. Esaki kiermen cu mescos otro paisnan, manera Hulanda y Merca e placa mester bai directamente na e empresanan pa asina nan por mantene nan trahadornan na trabao.

Si e pensamiento ta cu ta bai duna bijstand solamente na esnan cu a perde trabao y asina kere cu nos por scapa nos economia, nos lo sali bon equiboca. Ta di spera cu e articulo aki fomenta discusion fuerte cu al final por yuda Aruba sali dilanti.

Den e situacion cu nos ta aden no ta keda nos







Awo cu 2 florin mas, bo por gana e **MEGA PLUS**

\*Afl.

**450.000,-**

\*Afl. 350.000,- + Afl. 100.000,-  
sorteo ta awe nochi extra

Obtenibel na cualkier rebendado di Lotto.



## Cu 428 caso, Brasil ta presenta cifra mas halto di contagio na Latino America



**BRASILIA (Infobae/AFP) –** Diaranson ultimo, estado di Sao Paulo a registra su di cuater morto pa coronavirus, mientras e cantidad di persona contagia a aumenta na henter pais di 291 pa 428, ministerio di Salud a informa.

E morto reporta den oranan di atardi ta di un homber di 85 aña di edad na ciudad di Sao Paulo. Den total, a anuncia tres persona fayecido.

E prome dos pashent fayecido confirma tabatin 65 y 81 a64

y nan a drenta den unidad di cuidado intensivo di Hospital Sancta Maggiore, un operador di salud pa hende grandi, dia 15 di maart ultimo.

Di acuerdo cu secretaria di Salud di estado di Sao Paulo, e cuater fayecido tabatin problemanan di salud prome di haya e virus COVID-19.

Dialuna ultimo e prome persona a muri, pero a ser confirma diamars ya cu e homber no tabata riba e lista di personanan contagia.

E cifra di persona afecta y

fayecido na Brasil ta esun mas halto di Latino America. Ta sigui Chile cu 238 caso confirma y cero morto, Peru cu 145 confirma y sin morto, mientras cu Argentina a reporta 97 caso confirma y dos morto.

Mientras tanto gobierno Brasileño ta prepara un ordenansa cu lo permiti pa empresanan baha e orario di trabou y salario di trahadonan, pa asina enfrente a crisis causa pa e pandemia di coronavirus, diaranson ultimo ministerio di Economia a informa.

## Pa 30 dia Colombia ta suspende tur vuelo internacional

**BOGOTA (ElUniversal) –** Ayera diahuebs presidente Ivan Duque a anuncia cu desde 23 di maart, ta keda suspendi pa 30 dia e entrada di tur vuelo internacional di pasaheronan na Colombia.

El a manifesta cu a tuma e medida pa via di circunstancias y pa comportamiento di algun ciudadano Colombiano cu a yega na e pais y a viola aislamiento preventivo pa biaheronan internacional.

“Pa un periodo di 30 dia nos lo limita e entrada y nos ta haci esaki pa via cu nos mes-

ter tin mayor control den nos sociedad. Nos mester di colaboracion di tur”, e mandatario a bisa.

E Hefe di Estado a agrega cu tampoco lo permiti pasaheronan di transito na Colombia durante e periodo aki. Fin di siman lo permiti e entrada pa Colombianonan cu ta na otro pais y lo reforsa medidanan pa verifica cu e biaheronan ta cumpli cu aislamiento preventivo.

Presidente Duque tambe a respalda e simulacion di aislamiento cu alcalde di Bogota, Claudia Lopez tin programa.

Pero a aclaria cu mester haci algun ahustacion den e tema di restriccion programa.

El a expresa cu e accion cu e tratamiento di e pandemia ta exige no ta duna espacio na pelea ni vanidad, y cu den transcurso di dia lo reuni cu Lopez y su funcionarionan pa coordina actividad den capital di e pais.

Di loke ta trata e toque de queda na cada ciudad, Duque a sigura cu e medidanan cu e teritorionan lo tuma mester ta coordina cu Presidencia y a haci un yamada pa unidad nacional.



E mandatario a defende e pakete di medidanan economico y social cu su Gobierno a

haci pa enfrente a crisis, el a afirma cu tabata oportuno y den tempo necesario.

## Ecuador: Cuater luna di prizon pa ignora estado de excepcion pa COVID-19

**QUITO (EFE/LaRepublica) –** Husticia Ecuato-



**riano diaranson ultimo pa prome biaha a condena pa cuater luna di prizon un persona cu a viola Estado di excepcion decreta pa autoridadnan pa loke ta trata esfuersonan pa detene e propagacion di virus COVID-19.**

“Prome persona sentencia pa no cumpli e restriccion di circulacion. Cuater luna di prizon”, minister di Gobierno,

Maria Paula Roma a skirbi riba su rednan social.

E tabata referi riba un caso na Provincia de Los Rios trata na un corte di Vinces, durante un proceso pa ‘no cumpli cu decisionnan legitimo di autoridadnan competente’.

Despues di varios dia di medidanan parcial, presidente Lenin Moreno dialuna ultimo a anuncia medidanan

di excepcion cu ta suspende espacio publico, ta restringi movilidad na sectornan vital y ta inclui toque de queda den oranan di anochi desde 9or te 5or di mainta.

Segun e ultimo informe medico, Ecuador tin caba 168 caso di persona contagia, incluyendo tres persona fayecido cu a confirma ayera, dies di e casonan na Los Rios.

Pa impedi un propagacion, Moreno a restringi e movilidad pa henter e sector publico, cu excepcion di salud, siguridad y atencion di riesgo, entre algun otro, pa garantisar abastecemento di productonan y medicina pa e poblacion.

“Keda na cas, traha for di cas” e mandatario a sugeri den un decision cu ta purba di enfrente e virus.



## Venezuela: Testimonio di profesional contagia cu Coronavirus

**(LaPatilla) – Testimonio di un profesional medico, Emily Marquez, licenciada den enfermeria di Hospital General di Guarenas-Guatire Dr. Eugenio de Ballard, ta duna un impresion di e situacion actual grave den e hospitalnan Venezolano, ora ta trata di contagio di nan propio personal. Marquez a resulta di ta portador di e virus, y su compañeronan tambe ta presenta sintoma similar di coronavirus, despues cu e enfermero Yung Colina a test positivo dia 15 di maart pasa.**

“E dia cu nan a interna mi pa tuma muestra, mi a yega sin ningun dificultad respiratorio. Awe ya mi tin esey,” Marquez a comenta den un video cu el a graba den un sala di e centro di salud menciona, unda e ta den isolacion preventivo. “Mi a cuminsa haya keintura tambe desde un rato pasa,” el a expresa.

E enfermera a expresa cu “Nos ta bay saca X-ray y ta bay laboratorio pa nos propio cuenta. Nos no ta conta cu e recursonan como personal di salud, nos sueldo ta di 400 mil bolivar.” (US\$ 5; red.)

Segun Marquez, “nos tin awe cuatro enfermero di e institucion, y un doctora, den isolacion.” Es decir, un total di cinco caso sospechoso, ademas di e caso positivo di Yung Colina. Nan a tuma e muestranan dia 16 di maart, pero ainda e resultadonan no a yega.

“E ambulance a yega y nan no ta laga nos sali, por lo menos no esnan cu mester paga esaki,” e enfermera a denuncia, despues di den un medida desespera, e pacientnan a dicide busca ayudo externo cu e poco placa cu nan tin.

“Con esnan cu no tin placa ta haci? Mi tin dos yiu chikito na cas,” Marquez a bisa, cu a bisa tambe cu su compa-

ñero Yung Colina ta muestra un situacion complica. El a cuminsa muestra un sintomatologia unda su huñanan a cuminsa bira biña. E unico cos cu nan a haci p’e ta pone mist riba dje pa alivia, nada mas. Kico nos ta bay warda,

pa nos compañero muri,” tabata su grito desespera.

El a sigura cu e pacientnan “mester a gara un basora, busca un basora y desinfectante, pa nos mes laba e lugar unda nos ta drumi. Ayerano-

chi nos no tabatin personal di enfermeria pa atende nos.”

Finalmente, e enfermera a declara cu no ta interes’e unda testimonio lo conduci, ya duna su nomber y funcion completo den e video.



## Jamaica: Prome morto di coronavirus

**(JamaicaLoop) – E pandemia di coronavirus (COVID-19) a exige su prome victima mortal na Jamaica. E fayecido ta un homber di 79 aña di edad cu diabetes y hipertension, di Clarendon, cu un historia di biaha pa New York.**

Secretario permanente na ministerio di Salud y Bienestar, Dunstan Bryan, a haci e anuncio na un rueda di prensa diaranson anochi. “E pacient a test positivo awe y a muri awe,” Bryan a bisa.

Di acuerdo cu e ‘chief medical officer’, Dr Jacqueline Bisasor McKenzie, e homber a bay na Lionel Town Hospi-

tal dia 16 d maart. McKenzie a bisa cu a manda e homber despues pa Mandeville Regional Hospital y el a cuminsa muestra mehoracion pero su condicion a bay atras rapidamente diaranson pasa.

E staf medico tabata den proceso di transferi e persona pa Hospital di University of the West Indies, pero el a fayece alrededor di 3pm, segun CMO McKenzie.

E caso tabata un di e dosnan adicional cu COVID-19 anuncia pa ministerio durante nan rueda di prensa. E otro caso positivo ta trata e prome pacient detecta. Jamaica awor tin un total di 15 caso di COVID-19 confirma.



**Appreciable cliente,  
En conexion cu e situacion actual di virus  
Covid-19 Caribbean Speed Printers kier a pidi  
cooperacion di tur su clientenan cu ta hasi  
transaccion na oficina pa entrante awe  
cuminsa hasi uso di nos systema di email:**

**[noticia@bondia.com](mailto:noticia@bondia.com)  
[news@arubatoday.com](mailto:news@arubatoday.com)  
[aviso@bondia.com](mailto:aviso@bondia.com)  
[accounting@bondia.com](mailto:accounting@bondia.com)  
[info@bondia.com](mailto:info@bondia.com)**

**Tambe kier a recorda tur cliente cu kier paga  
nan cuenta cu por hasi esaki online riba e  
siguiente cuentanan:**

**Aruba Bank # 332668  
CMB #23951903  
RBC #13307728**

**Pa mas informacion por tuma contacto  
libremente cu nos na telefon 5827800**





## Prizonero na Scheveningen cu coronavirus den cuarentena

**SCHEVENINGEN (DutchNews) - A identifica e prome caso di coronavirus den e sistema penitenciario Hulandes, esaki ta locual funcionan di minister di husticia a informa diaranson anochi. E prizonero awor ta ser trata den cuarentena e hospital di prizon na Scheveningen, cual tin siguridad halto y un unidad psiquiatria. Autoridadnan no a bisa di cua parti di e prizon e pashent a bin.**

E servicio penitenciario a establece un protocol stricto pa enfrente infeccionnan y ya a stop tur bishita pa enfrente e crisis. Alrededor di 100 prizonero den cinco prizon Hulandes separa a traha face mask como un di nan trabou di rutina, esaki e minister di husticia a confirma na inicio di e siman. Proyecto a cuminsa cu un simple face mask di catuna, pero lo progresar pa traha miho face mask asina cu e ekiponan adecua ser suministra, e vocero a bisa.

## Miles lo perde trabou si brote di virus dura un luna

**WILLEMSTAD - Recientemente e grupo hotelero cual nan operacion ta dirigi riba mercado Hulandes Europeo, a declara cu miles lo perde nan trabou.**

Si e medida di intervencion pa evita brote di e virus Covid-19 dura un luna, lo tin mil trahado riba caya.

Esaki ta locual a conclui despues di a papia cu algun di nan. E hotelnan mas grandi, e.o. Avila, Lions Dive, Morena, Livingstone, Papagayo lo ta esunnan cu mesora ta bay sinti e efectonan aki. Hunto cu nan por acopla nan restaurantnan. E sector di Horeca tambe lo ta compana e hotelnan pa locual ta trata plan masal di retiro. E situacion por bira serio. Tur cos ta depende con leu por dominan cu Covid 19 no plama na Corsou.



## Gobierno di Sint Maarten a solicita ventilator di Hulanda

**PHILIPSBURG (the dailyheral) - Prome minister di Sint Maarten a bisa cu a solicita ayudo di gobierno**

**Hulandes pa tres ventilator adicional.**

A solicita pa tres ventilator

adicional pa Sint Maarten a traves di e Instituto Nacional de Salud Publica y Medio Ambiente Hulandes RIVM.



Jacobs a confirma cu RIVM a ricibi e solicitud. " Ayer nos tabatin un reunion entre e cuater paisnan( Hulanda, Aruba, Curaçao y St. Maarten. Relaciona cu COVID-19 na nivel ministerial y nos solicitud a ser ricibi" Jacobs a bisa.

SMMC actualmente tin seis posibilidadnan di aislamiento, inclui dos cu ta disponibel actualmente en su Unidad de Cuidado Intensivo (UCI). Jacobs a bisa durante conferencia di prensa cu tin dos ventilator disponibel pa uso na centro Medico di Sint Maarten(SMMC).

Jacobs tambe a menciona cu lo pone e pavilion lo converti temporalmente den SMMC. E pavilion aki a ser utiliza despues di e huracan Irma. Segun Jacobs e por wanta te cu 6 camber di aislamiento nec-

esario.

"E tres ventilator cu nan a solista no lo ser poni den e salanan di aislamiento. E salanan aki di aislamiento lo ta completamente ekipa, sin embargo no cu ventilator, sino pa pashentnan menos severo" el a agrega. E ventilatornan adicional, unbes ricibi na lo ser poni den hospital. E alocacion exacto no a ser bisa.

Jacobs a bisa cu ni tin un timeline disponible pa e entrega di e ventilatornan pidi.

El a bisa cu den e caso cu tin un casi grave di COVID-19 cu mester ser trasalada pafó di e pais, esaki lo por ser haci mediante e uso di ambulance aereo cu ta sirbi Caribe Hulandes. Tambe a bisa cu tin dos helicopter disponible pa uso y si ta necesario e gobierno por pidi pa ayudo militar.



**ONLINE GROCERY DELIVERY SERVICE**

*From the Store to your Door!*

**\$20 OFF** Coupon code:  
BONDIA



**STAY SAFE  
at Home**

**We deliver Groceries, Beverages & Essentials to your front door!**

**www.GroceriesToGoAruba.com**

## Minister di Salud Hulandes Bruno Bruins a renuncia

AMSTERDAM (Dutch-News) - E minister di salud Hulandes Bruno Bruins, kende ta responsable pa combati cononavirus a renuncia. Bruins a desmaya den a desmaya den parlamento diarasion ultimo durante un debate tocante e maneho di e crisis pa parti di gobierno y mas despues tabata cansa y cu e mester descansa du-

rante anochi na su cas.

E servicio di informacion estatal no a duna un rason pa su renuncio den un comunicado di prensa, pero exper-tonan ta bisa su renuncio ta inespera. E colega di Bruin, Hugo de Jonge den e ministerio cu ta responsabel di bienestar y deporte, lo asumi su cargo mientras ta nombra un minister di salud nobo.



## E craneo di parha modern mas antiguo haya na Limburg hill

MAASTRICHT (Dutch-News) - Sint Pietersberg hill seca di Maastricht a haya e cráneo di e parha mas antiguo indocumenta di mundo, esaki ta segun a ser anuncia pa e museo di historia natural di e ciudad. E parti nan di fosiel cu ta contene e cráneo di e parha y otro partinan

di e skelet a ser haya pa Maarten van Dinther di e universidad di Leiden na 2000, a ser manda recientemente pa e universidad di Cambridge na Gran Bretaña pa un analisis mas detaya. Un CT scan di resolucion halto a revela cu e especie di parha awo desconoci, y e Asteriornis

maastrichtensis cu ta data 66.7 miyon año.

E wowo di aguila di Maarten van Dinther a duna nos un regalo fantastico, esaki ta un primicia mundial", un jubioso John Jagt a bisa, e paleontologo di e museo. "Ma bula riba cay a bou ora cu a wak e promeimagennan di e

nos puyito cretaceo". E fosiel ta importante pa motibo cu e ta duna un idea na e prome etapanan di evolucion di parhanan modern. E ta relaciona estrechamente cu un ancestro comun di e grupo cu awo ta compra galiña, pato, gans of Galloanserae, Jagta a bisa.

E especie nobo ta combina

caracteristicanan di galiña y gans y a ser domina pa "Wonder Chicken". Un comparacion cu e parha modern a sugeri cu Asteriornis a pisa algun 390 gram y cu e por a biba na borde di e lama subtropical cu ta cubri e area na e momentonan aki. Al contrario di e grupo di pisca cu ta come parha, e especie recien descubri no tin djente. E fosiel ta un hallazgo inusual den e sentido cu e skelet di e parha ta hopi fragil y no ta fossilisa facilmente Jagt a bisa.

Un impresion grandi di 3D di e hallazgo cu a ser describi den e revista prestigioso Nature, lo ser exhibi den e museo unabes cu e bolbe habri su portanan, e museo a bisa. E museo actualmente ta cera debi na e crisis di coronavirus y e fosielnan lo permanece na Cambridge te cu conclui e tapa final di e investigacion.

E capanan di cretacea di Sint Pietersberg tabata un campo di jaag di fosiel durante e ultimo 250 año. Slack nan chikito, cangreu, coralnan y varios especie di pisca ta den e hallazgonan comun, pero e paleontologo tambe a ser haya partinan di skelet di de Mosasaurus y turtuganan marino cu a habita lama nan poco profundo y e awanan warm rond di 68 y 66 miyon año pasa.





# Clasificado

## ECONOMICO

**Personal GRATIS max. 20 palabra**  
 PASA LAGA BO AVISO NA OFICINA DI BON DIA  
 ARUBA WESTSTRAAT#22 FOR DI 9:00AM-4:00PM  
 Email nos na  
 classified@csnv.com

**TA BENDE**

Auto Chevrolet Optra 2008  
 den bon condicion  
**Prijs Afl. 3500,=**  
**Tel 568-2714**

**Sushi den cura?**

Ta piki sushi cu pick-up  
 grandi pa Afl 75,= pa buelta.  
 Yama nos na  
**561 4297 of 561 5179**  
 Hasi Aruba Limpi.

**TA BENDE**

Tubo pa colga paña un set (2x)  
 pa Fls.200  
**Tel: 569 7787**

**AUTO Y HERO BIEU**

Nos ta piki auto, airco y bateria  
 bieu pornada. Frigidaire, stoof,  
 wasmachin, tv ta 10,=.  
**Yama 561 4597 / 561 5179**  
 Arubiano Balente

**SERVICIO PUBLICO**

Gran Feria di Fruta y Verdura  
 na Rococo Plaza diahuebs,  
 diabierna y diasabra 3 or te cu  
 8 or anochi . Tur siman

**SERVICIO PUBLICO**

Sra. ta dispuesto pa haci trabou  
 den cuida di mucha y anciano y  
 tambe limpieza di cas of oficina  
**Tel. 568 1152**

**TA HUUR**

Camber + baño na  
 Piedra Plat (Seroe Pita)  
**Tel. 594 9694**

**TA BENDE**

un cas: 3 camber / 2 baño  
 na Primavera, Awg.395.000  
**Tel.592 9966**

**SERVICIO PUBLICO**

Buscando auto pa huur y na  
 bon prijs? yama nos  
**Tel. 593 9953/ 593 8453**

**TA BENDE**

Un Cas Moderno: 3 Camber  
 2 banjo na Boroncana.  
 Awg. 475.000.00.  
**Tel: 565 0831**

**SERVICIO PUBLICO**

Mi ta ofrece servicio di electri-  
 cista en general corto circuito y  
 mantencion  
**Tel.566 5026**

**SERVICIO PUBLICO**

Señora ta ofrece servicio pa  
 cuida mucha of hende grandi-  
**Tel: 593 1777**

**SERVICIO PUBLICO**

ta drecha tur sorto  
 di Imagen y verf  
**Tel. 584 2489**

**SERVICIO PUBLICO**

Barata Barata  
 Nos ta chapi, lanta sushi, spuit  
 veneno, corta mata, na bon prijs  
 Arubiano balente  
**Call 592 5766**

**SERVICIO PUBLICO**

Psychic Riley let me help solve  
 your problems in love marriage  
 finance career and family with  
 immediate results  
 Call 001 747271 9899  
 wyattearp14@sbcglobal.net

**SERVICIO PUBLICO**

Se ofrece servicio de reparacion  
 e instalacion de aires acondicio-  
 nados Split e industrial también  
 reparamos frigidaire, cuartos  
 frios y fabricantes de hielo  
**Tel. 600 0750**

**SERVICIO PUBLICO**

ta yuda busca cas  
 pa cumpra of huur  
**Tel. 563 1449**

**SERVICIO**

Unified One Events  
 Photos , films, wedding  
**Tel. 749 2533**

**SERVICIO PUBLICO**

Pa haci trabou di verf y chapi,  
 tur mantencion di pafor di cas  
 Yama y puntra pa Benito na  
**Tel.593 0040**

**TA HUUR**

apartment na Madiki Kavel  
 Whatsapp  
**Tel. 746 2395**

**SERVICIO PUBLICO**

Albañil, ceramica, porcelanato,  
 plomeria, pintura, cielo razo,  
 puertas de madera, puntos  
 electricos, soldadura, Bloques,  
 Frizos, pisos. Yama ya  
**Tel. 740 1242 / 740 4003**

**SERVICIO PUBLICO**

ta haci tur tipo di trabou  
 di costurera  
**Tel. 593 2085**

**TA HUUR**

Studio/ apartment seminuebla  
 en Playa (max 2 persona): living  
 cu cocina y un camber cu baño.  
 Afl.700  
**Tel. 662 3892**

**SERVICIO PUBLICO**

Ta haci tur trabou di  
 construccion y carpinteria y tur  
 cos cu ta furamento di stul  
**Tel : 746 0518**

**GRATIS**

Nos ta piki tur sorto di auto bieue,  
 gratis. Tambe airco, bateria,  
 stoof, wasmachin, frigidaire etc  
**Tel. 561 4297 / 561 5179**

**TA BUSCA**

pa cumpra 1 tereno Eigendom  
 di ongerveer 400 m2 pa 500  
 m2 den vecindario di Madiki,  
 Socotoro, Meinveld, Ponton,  
 Companachi of otro bario  
**Tel.593 0769 / 593 3514**

**TA BENDE**

Caha di Orgel.  
 Tin 3 cylinder NOBO.  
 Pa mas informacion yama  
**Tel. 593 0203**

**FOR SALE**

sruectura pa traha cas di trailer  
 mas grandi cu 40 pia. Fls.5 mil  
**Tel. 569 4343**

**SERVICIO PUBLICO**

Para todo lo que se refiere a  
 tapicería de muebles, autos,  
 botes. Reparamos bambú,  
 cabana. Todo lo relacionado  
 con carpintería  
**Tel. 569 7539 / 746 0518**

**TA HUUR**

Apartment full muebla. Incl.  
 awa, excl. coriente. Vecindario  
 Tele Aruba.  
 Pa mas info yama  
**Tel.593 8488 / 593 7755**

**SERVICIO PUBLICO**

Masaje relajante, sports ma-  
 sajes, aroma terapia, piedras  
 calientes, reflexologia, faciales  
 Sabana Basora # 157 P.Ch.  
**Tel. 561 8520**

**SERVICIO PUBLICO**

recojemos todo tipo de basura  
 (nevera, estufa, etc)  
**Tel. 564 1979**

**FOR SALE**

Commercial property close to  
 the new Container Port in  
 Barcadera, build-up 424 m2,  
 land 2400 m2 for \$337,078.  
 For more details  
**Tel. 593 6318**

**TA HUUR**

Pa famia maximum  
 4 persona.  
 Yama pa informacion  
**Tel.568 4209**

**FOR SALE**

Gorgeous two story house in  
 Paradera, 3 bedrooms/  
 3 bathrooms with pool for  
 \$470,000  
**Tel.593 6318**

**TA BENDE**

BBQ Grill tipo cilinder  
 "criyoyo" duradero  
 Prijs Afl.250  
**Tel. 569 7787**

**SERVICIO PUBLICO**

Construction  
 remodelacion di cas, traha cas,  
 apartment, traha y drecha dak,  
 electricidad, verf pega mosaico,  
 traha cura, plomeria. Bon prijs  
**Tel. 593 3141**

**SERVICIO PUBLICO**

Pa tur trabou di tapiceria di  
 mueble, auto, yate y barco.  
 Nos ta haci trabou di cabana y  
 bambu y nos ta verf  
**Tel : 569 7539 /737 3993**

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI  
 MAS CERCA DI BO!**



**Yena aki bao e siguiente informacion**

**Telefon**

Number completo:.....  
 Adres di entrega:.....  
 Adres di cobranza:.....

- Cobranza na Cas.
- Cobranza na Trabao.
- Paga via Banco (Standing Order) Aruba Bank no:33266.8
- Paga Aruba Bank ABO ONLINE .
- Paga CMB ONLINE .
- Personal na oficina di Bon Dia Aruba.
- Pone den Box.
- Tira den Cura.

**Pago Adelanta:**     3 Luna     6 Luna     1 año

**Yama na telefon: 582-7800 of manda un email na accounting@bondia.com  
 www.bondia.com**





*Ruthy Vrieswijk-Bergen*

## ‘Bon dia yen di alegria’

**ORANJESTAD** - Nos tampoco kier a kere y acepta ainda, aunke otro nan ya a anticipa cu e Corona Virus lo yega nos isla tambe. Teniendo cuenta cu nos ta un isla turistico cu ta depende di turistanan for di tur parti di mundo, lo ta un milager si no tin un of mas persona afecta cu e virus akibandan. Hopi atento pa den fin di siman tende for di nos Prome Ministro Evelyn Wever Croes, kico ta kico al momento, cu spliacion den un conferencia di prensa den cual tambe a hiba palabra sra. Koolman y Meneer Kelly.

Nos tawata anticipando e actividad di Poeta Patria den Fort Zoutman mientras otro nan tawata anticipando nan participacion den Un canto pa Aruba, e festival di canto di tur aña como parti di e gran celebracion pa cu nos Dia Nacional, 18 di Maart, Dia di Himno y bandera. Pero ta na su luga y necesario pa pueblo wordo poni na altura di e situacion, kico pa spera, kico pa haci, kico pa con pa prepara bo mes pa cu esaki. Y asina tende cu tur actividad publico organisa pa departamentonan di Gobierno keda cancela. Awor, un dia mas leu, awe riba Diasabra atardi, scuchando e dushi boleronan di e gran cantante arubiano Robert E. “Ro” Agunbero. Y na e momentonan aki scuchando e bolero clasico “Mama” den nos dushi idioma Papiamento. Varios di Ro Agunbero su boleronan ta wordo canta den e idioma Spaño, pero tin varios tambe na Papiamento. E cd cu mi ta scuchando actualmente ta “Aquella Epoca”. E otro cdnan cu Lady Ruth a haya como regalo ta titula “Canciones Nostalgicas” y “Mi vieja Rocola”. Algun siman pasa nos a haya bishita di Jufr. Jeanette cu a yega di duna mi casa cu mi Thai Chi e tempo ey na Club Caiquetio na Paradera.

E di cu mi, cu tin un cabayero pafo den auto cu a bin saluda mi y trece un regalito pa mi.

Un placer di a haci conoci cu Robert “Ro” Agunbero y su bunita y dushi boleronan. Ahaaaa, ta varios titulo di cancion na spanto, pero e ta canta nan den nos dushi Papiamento ! Riba e cdnan tin bolero, bolero clasico y Bollemengue. Aunke Lady Ruth no ta un cu a lanta den bolero na su cas como mucha, awor na grandi su faborito ta “Dos arbolitos”. Mi tata Lucas Bergen a bisa mi el a lanta den e mesun bario cu Ro Agunbero, den Oranjestad. Mi mayornan si ta amantenan di bolero, tempo di nan tempo nan a baila bolero e tempo aya riba un solo tegel. Romantico ! Ora di fiestanan familiar cu algun di e primonan di mi casa cuminsa toca guitarra, ta tur sorto di musica ta skeiro, for di pop, wals, Ingles, Hulandes, rock, country gospel te cu bolero . E dushi boleronan aki di e gran cantante y musico Ro Agunbero ta hiba mi bek den tempo di Radio Kelkboom cu su programa di tur merdia “Mei ora cu bolero”, despues di noticia, boso tambe ta corda ? Lady Ruth ta invita boso scucha Hit 94 fm dia 18 di maart pa 12or di merdia cu un programa di un ora entrevista cu Padu Lampe tempo e tawatatin 88 anja di edad. Un special di Dushi Awasero Musical den aña cultural 2008. Hopi danki na gerente y staf di Hit 94 fm sr. Johnny Habibe pa e cooperacion di curason aki cu grandeza di pasa un programa di un radio colega di algun tempo atras. Pa conclui nos relato di e siman aki, nos ta felicita e gran cantante y musico Robert E. “Ro” Agunbero cu 3 preciosidad y joya di cd cu e boleronan di mas bunita. Oh, nos a sinti nos mes asina relaha scuchando e cd nan aki, net awor den un temporada di un crenchi angustia y turbulencia riba terreno di salud den pueblo cu e virus corona cu nos kier core cune pa caba !Shonnan, laga nos tur cuida nos salud, bebe hopi awa lauw cu lamunchi y laba nos mannan mas biaha. Scucha radio, wak television y of lesa corant pa keda na altura di kico ta kico. Dios tene misericordia di nos tur ! Evita di duna otro un handshake. Nos por uni den oracion y resa pa nos isla y nos famianan.

Wanta na nos midi di fe. Dios ta bon. Dios semper ta bon y e ta permiti cosnan pa nos stime mas.





## HAVA a recomenda pa cancela citanan cu no ta di emergencia

**ORANJESTAD – Ayera mainta durante un conferencia di prensa cu Gobierno di Aruba a ofrece pa e medionan local hunto cu Asociacion di Dokternan di Cas (HAVA), a informa e procedura cu ta aplicando na e momentonan aki cu tur pashent pa evita e propagacion di virus COVID-19.**

Joaquin van Trigt, dokter di cas y presidente di HAVA, a informa pa e comunidad tocante e proceduranan pa traha. Orarionan pa atende pashent ta keda mesos, pero nan ta percura pa minimalisa e riesgo di contagia algun pashent cu e virus door di can-



cela mas hopi posibel e citanan cu no ta di emergencia.

El a splica cu e consultanan lo bay mas via telefon.

Un bishita of cita lo wordo cambia pa despues. Tocante e recetanan, nan lo manda automaticamente pa boticanan via electronico of via fax. Si un persona tin un caso di emergencia of mester di atencion urgente, e dokter di cas lo wak e persona.

Tur praktik tin accesibilidad via un spoed nummer. Hende mester informa riba esaki cerca dokter di cas. Citanan pa pashentnan cu malesa cronico cerca praktik ondersteuner a wordo cancela, pa motibo cu nan ta e grupo di riesgo mas grandi.

Van Trigt a señala cu si algun persona tin un sintoma respi-

ratorio como tosamento, falta di rosea of keintura, mester yama nan pa por wak e persona.

Tambe, el a bisa cu nan kier evita grupo grandi hende malo den nan consultorio. Despues di 6or dokter na warda ta habri y tin un 'Pre triage tent' pa evita cu un pashent lo drenta hospital mes sin haya un screening adecua. Di mesun manera, el a menciona cu nan como dnanon di cuida ta para riba pia pa cu e bataya cu e virus. P'esey nan a adapta nan sistema di traha pa proteha nan di ta un cargador di virus, ta mas responsabel pa e comunidad y keda brinda e cuida medico necesario.

## Comerciantenan ta muestra preocupacion

**ORANJESTAD – Comerciante Uni a muestra nan preocupacion mirando cu nan a na haltura di expansion si pandemia di coronavirus, y ta algo cu no ta afecta solamente Aruba sino mundo henter y su economia.**

Frans Ponson, vocero di Comerciante Uni a expresa su preocupacion pa locual ta pasando cu e virus. "Ta momento pa uni manera pueblo y gobierno" sin cu mester wak color politico, e ta bisa.

Ponson ta bisa cu hunto por trece Aruba dilanti y si esey ta nifica cu 'ambos partido grandi mester subi avion pa bay Hulanda of locual mester haci' pa baha cabes y uni, 'pasobra e problema ta mas grandi di locual a spera'.

"Nos ta na e prome dianan.

Si nos wak rond di mundo, ta cerando porta. Si nos ta sabi, nos mester ta den union pa por tuma e decision corecto y saca Aruba e miho manera posibel for di problema, pasobra ta bay tin problema si", Ponson ta bisa.

E problema cu e ta referi ta e efecto di e medidanan pa contene coronavirus, cu ta afecta comerciante y trahado. El a menciona ehempel di pais grandi cu tur a tuma e decision den e mesun linea. Comerciantenan a papia cu minister di asunto di Social y Labor, Glenbert Croes cu emergencia. "Tur gremionan a bin hunto" pa asina expresa nan preocupacion.

"Nos ta coopera cu gobierno, sin importa orario, pasobra nos sa cu e problema ta grandi y nos kier ta sigur cu den tur decision cu wordo tuma nos



ta hinca aden. No por tuma decision sin ta hunto. Mester purba saca Aruba mas lihe for di situacion aki, den union", el a bisa.

Ponson ta duna di conoce cu e dolor di mas grandi pa tur comerciante ta cu tur hotel ta cerando. Turismo ta cay, pues

e hotelnan ta cay, comerciante ta cay y despues henter Aruba.

E ta splica cu tin 50% di negoshi cu a cera caba, negoshi cu ta bashi y no por carga empleado si no tin entrada. Ponson ta bisa cu mester sinta na mesa pa por yega na

un solucion, ya cu 'ningun comerciante kier manda nan trahado cas'.

Sin embargo, tin cu pensa con ta bay paga e trahado fin di luna cu bin si nan no por salba e compania. Pa e motibo aki, e ta bisa cu mester por wak con tur ta yega na e miho solucion.

"Tur dia e problema lo bira mas grandi."

Ponson a bisa cu e proposicion lo keda cambia, mirando cu dia pa dia e situacion ta cambia. Pa comerciante lo por sobrevivir cu locual tin y trahado tambe por, el a bisa cu lo warda pa sinta cu gobierno yega na un manera pa trece alivio. "Si no tin entrada, e trahado ta haya su cobransa fin di luna, pero con e lo ta despues si e situacion escala? Mester sali hunto di e problema aki."

### Minister di finanzas Xiomara Maduro:

## 'Hunto nos por trece e solucion'

**ORANJESTAD – Diaranson gobierno a indica cu lo bay regula produccion adicional di necesidad temporalmente. Esey no a cay mucho bon cerca algun comerciante di Aruba. Sin embargo a tene reunion y por a yega na un solucion pa henter e situacion.**

Director di Frasa y representante di Wholesalers Aruba, Francis Saladin a duna di conoce cu ta dispuesto pa

yuda den e situacion cu ta pasando actualmente. Pero tambe di parti di gobierno mester sinta cu mayorista pa por yega na un comprension, 'mirando e gravedad di locual ta pasando y con e lo por bira'.

Tambe a expresa cu e situacion lo cuminsa cambia y cu nan como mayorista ta perdiendo caba, mirando cu hotel a stop cu pedido. El a menciona cu tin producto cu ta na caminda y awo com-

pania a cancela e pedido. "E ta un golpi pa nos tur, pero nos tin cu uni y busca un solucion hunto cu gobierno pa trece alivio", el a expresa.

Durante un conferencia di prensa, minister di Finanzas y Asunto Economico, Xiomara Maduro a bisa cu e situacion cu tin ta pone extra presion riba tur hende. Sin embargo el a bisa cu a sinta na mesa cu comerciante pa splica pakico a tuma e medida y con nan a

hink'e den otro.

"Nos a tende nan preocupacion. Nos a yega na un acuerdo pa margen con nos ta bay bin dilanti. E cambio no ta forma parti di canasta basico, e ta un lista temporal pa producto y pa yega na un bon solucion pa e comerciante tambe", el a bisa.

Maduro ta duna di conoce cu e sa di mercado liber, pero na momento cu crisis ta cerca y a base di ley di prijs tin

oportunidad di pa interferi riba prijs di producto. Pero a tene e reunion cu comerciante pa tende nan preocupacion 'y yega na margen cu tur wholesalers y retailers' y traha cu nan, pa atende cu situacion necesario pa asina por comunica y compronde e crisis.

Pa nan tuma e decision di bienestar pa henter e pais. "E ta bay duna dolor di cabes y sla ta bay ta grandi, pero hunto nos por wanta y sali for di e situacion."



## Chauffeur a perde control cu auto cay den greppel



**HATO** - Diahuebs pa mas o menos 1or di merdia riba e caminda di Tanki Flip pa Hato un chauffeur coriendo un mitsubishi lancer, a perde control pa un of otro motibo cu e vehiculo y cay den e greppel cu tin panort di caminda.

E auto a keda den e greppel pero ningun hende herida, el a keda na e sitio pa e yama su roadservise pa yud'e.



## Homber tabata core mata di Watapana historico



**BOEGOEROEI** - Di aranson durante oranan di merdia un persona a capta un homber Asiatico tabata corta e mata historico Watapana cu tin na Boegoeroei.

E homber a corta basta taki .Polis a presenta di biaha na e sitio y a topa cu e personanan tabata corta e mata basta caba. Polis a hala su atencion debidamente cu ta prohibi y a tuma dato y nan a para e trabounan.



## Chauffeur a bolter cu auto na Rooi Frances



**ROOI FRANCES** - Den Rooi Frances diahuebs merdia net na e birada pa bay Rooi Taki un chauffeur, a perde control cu su auto debi na velocidad y dal contra baranca pa despues bolter.

E persona a resulta herida y ambulance a presenta na e sitio y paramediconan a brinda asistencia na e victima. Polis di trafico tabata tin e caminda cera debi cu e auto tabata memey caminda te ora cu takelwagen a lanta esaki.

Dear client,  
 Due to the ongoing COVID-19 outbreak, some precautions will be taken. Until further notice, we have decided to temporarily close our office for visitors. You can always reach us by either telephone 583 1844 or by the email addresses of the Aon employees.  
 Payments are accepted online and a copy of the transaction needs to be sent to us by email.

While our office will not be fully closed, only a limited number of colleagues will be present during the week.  
 On Fridays, our office will only be open from 7:45 am to 12:00 pm till further notice.

Please be assured that we will continue to provide our very best service within a safe environment.

Thank you for your understanding and your cooperation.

Stay Safe.  
 The Aon Team



## Dos crucero no por desembarca na Hawaii

**HONOLULU (AP) —** Autoridad a informa cu dos crucero no por desembarca na Honolulu despues di keda rechasa na otro waf, maske na niun di nan tin caso positivo di coronavirus.

Anteriormente, oficialnan estatal y di e linea di crucero a bisa cu pasaheronan lo desembarca na Honolulu Harbor. Sinembargo, representante Mericano, Tulsi Gabbard, kende ta campañando pa presidente, a bisa durante un town hall via telefon di aranson cu departamentu di Transporte di e estado 'a tuma e decision dificil pero corecto pa permiti unicamente e barconan crucero Maasdam y Norwegian Jewel... pa bin



den waf unicamente pa tuma combustibel y suministro, na Honolulu Harbor'. Maasdam, opera pa Holland America Line, a haya su port

call cancela na Hilo y ta programa pa yega awe na Honolulu Harbor, segun oficialnan estatal. Tin 842 pasahero y 542 miembro di tripulacion.

Norwegian Cruise Line a bisa cu un di su barconan cu a ser rechasa na Fiji y New Zealand ta programa pa yega Honolulu diadomingo. Norwegian Jewel, cu alrededor di 1,700 pasahero, a refuel na American Samoa, pero no a permiti pa desembarca na Port of Pago Pago.

Medidanan nobo pa cera frontera pa reduci expansion di coronavirus a laga algun barco crucero pega mientras gobiernonan local ta nenga permiso pa desembarca.

Asociacion Internacional di Linea di Crucero a bisa cu alrededor di 40 barco cu 90mil pasahero tabata riba lama na momento cu presidente Mericano, Donald Trump a anuncia e prohibicion siman pasa cu ta restringi biahe pa

hopi stranhero na Merca. Departamentu di Transporte anteriormente a bisa cu oficialnan tabata trahando pa dirigi Maasdam na Honolulu Harbor pa asina e pasaheronan tin opcion di vuelo for di aeropuerto internacional Daniel K. Inouye na Honolulu. Pero Lt. Gov. Josh Green a bisa cu lo tin team sigurando cu hende no desembarca. Westerdam di Holland America Line a yega dialuna na Honolulu sin pasahero. E barco a sali di Filipinas dia 2 di maart ultimo cu 680 miembro di tripulacion y 18 contratista, cu tur a test negativo pa COVID-19 na februario, segun un declaracion di e compania. E barco a nabega pa mas di un luna sin port calls.

## Hefe di estado di Monaco, Prins Albert II contra coronavirus

**PARIS (AP) —** Palacio di Monaco a bisa cu su rey, Prins Albert II a test positivo pa novel coronavirus, pero cu su salud no ta preocupante.

Albert, di 62 aña di edad, ta parce di ta e prome hefe di estado kende publicamente a bisa cu a contrae e virus nobo. Den un declaracion ayera, e palacio a bisa cu e ta ricibiendo tratamento di dokternan di Princess Grace Hospital, nombra pa su mama, un actriz Mericano. Palacio ta bisa cu Albert ta sigui traha for di su oficina na cas den e palacio y ta den contacto constante cu miembronan di su gobierno. Den e declaracion, Albert a

urgí residentenan di su principalidad chikito den Mediterraneo pa respeta medidanan di isolacion.

Albert ta e segundo yiu di Prinses Grace — anteriormente Grace Kelly — y Prins Ranier di Monaco. Albert a bira cinco biaha bobsledder Olimpico, y den añanan recien ta un campañado global pa medio ambiente.

Papiando Ingles y Frances fluido, Albert a gradua di Amherst College na Massachusetts cu un diploma di ciencia politico na 1981, y ta miembro di Comité Olimpico Internacional.

E y su esposa, anteriormente conoci como Charlene Wittstock, tin yiu morocho.



## Cantidad di morto na Italia a surpasa China

**ROMA (AP) —** Cantidad di morto pa coronavirus na Italia a surpasa esun na China ayera, como tambe cantidad di infeccion.

Italia, cu un poblacion di 60 miyon, a registra al menos 3,405 morto, alrededor di 150 mas cu na China — un pais cu un poblacion 20 biaha mas grandi.

Italia a alcanza e cifra grave riba e mesun dia cu Wuhan, e ciudad Chines unda coronavirus a aparece pa prome biaha tres luna atras, a registra ningun infeccion nobo, un señal cu e lockdown extremo di e pais comunista tabata efectivo den combati expansion.

Diahuebs, un team di Cruz Cora Chines bishitando a critica e fayó di Italianonan pa pone nan mes den cuarentena adecuadamente y tuma e lockdown nacional na serio.

Autoridadnan di Salud a cita un variedad di motibo pa e cantidad halto di caso na Italia, clave entre nan su poblacion grandi di hende di edad avansa, kende ta particularmente susceptible na complicacionnan serio di e virus, maske tambe a mira casonan severo cerca hende jong. Italia tin e segundo poblacion mas bieu di mundo, y e gran mayoria di su mortonan — 87% — tabatin edad mas di 70 aña.

Durante un bishita na Milan,



hopi afecta, Sun Shuopeng, cabesante di delegacion di Cruz Cora Chines yudando pa conseha Italia, a bisa cu e tabata den shock pa mira tanto hende canando rond,

usando transporte publico, comiendo pafo y den fiesta den hotel. "Na e momento aki nos mester stop tur actividad economico y mester stop movilidad di hende", el a

bisa. "Tur hende mester keda cas den cuarentena."

Alberto Villani, cabesante di proteccion civil Italiano, a defende sistema di cuidu di salud Italiano mientras el a anuncia e cifra nobo di morto, insistiendo cu lockdown di e pais ta un modelo pa otro pais.

Tras di Italia, Spaña ta e pais Europeo mas afecta, y na Madrid, un hotel di 4 strea a cuminsa opera como hospital improvisa pa pashent di coronavirus. Asociacion di Negoshi di Hotel di Madrid a bisa cu a pone 40 hotel cu camber pa 9mil persona den servicio di region di Madrid, unda tin mita di e alrededor di 17mil caso na Spaña.



*Ta premira cu 25 mil trahado 'kisas' lo ta sin entrada*

## Gobierno cu medidanan di apoyo extenso 'FASE' pa proximo 3 luna

**ORANJESTAD** — Ayera atardi **Minister di Asuntonan Social y Labor Glenbert Croes (MEP)** a anuncia un pakete di medidanan di apoyo extenso cu ta cuminsa den efecto awe. Manera nos a raporta caba, lo ofrece asistencia pa persona residente cu of sin nacionalidad Hulandes cu perde trabou of cu ta keda traha pero ta haya nan oranan reduci na balor di 950 florin. Banda di esaki y algun medida mas, ta bay percursa cu no saca niun hende di cas si no cumpli cu pago di huur. E FASE Helpdesk cu lo bay coordina esaki ta disponible via number 2800707 entrante awe mainta.

Minister Glenbert Croes den conferencia ayera a anuncia e proyecto Fondo di Asistencia Social di Emergencia (FASE), cual tin como meta pa yuda tur persona residente di Aruba, cu of sin nacionalidad Hulanda cu haya nan mes den problema mirando e situacion dificil cu pais Aruba ta enfrenteando pa asina purba contene y mitiga e plamamento di Covid-19.

Mas leu cu esaki, tambe lo coordina cu Fundacion Pa Nos Comunidad (FPNC) pa asina personanan den situacionnan specialmente precario por haya asistencia den forma di cuminda, y si yega asina leu, minister Croes a promete cu 'lo bay duna bono pa cuminda si ta necesario'.

### Por medio di registra lo mitiga abuso y cu trahado por haya trabou bek ora crisis pasa

Pa tur esaki, hende cu haya nan mes den situacion precario si compania baha nan oranan di traha of si nan perde trabou mes, e minister a enfatisa cu mester bay registra via e number di FASE 2800707 pa asina por dreña e sistema cu lo coordina tur tipo di ayudo cu e plataforma nobo aki. Esaki no lo solamente percursa cu tin un control di persona cu berdaderamente ta bin na remarca pa ayudo sea di cuminda of di e 950 florin cu lo extende via Departamento di Asuntonan Social (DAS), si no cu tambe lo por percursa cu hende cu perde trabou por haya trabou bek na e mesun compania ora cu e crisis pasa.

E manera con lo percursa cu

tur hende cu registra por bay haya trabou bek, ta cu gobierno no lo duna ningun permiso pa kita hende di trabou (ontslagvergunning). "Nos no lo autorisa ningun ontslagvergunning y e meta ta pa registra nan pa asina cu e crisis pasa, e mesun dunado di trabou por duna nan trabou bek. Si na dado momento e dunado di trabou no a sobrevivir, nos lo yuda nan pa haya un trabou bek den nos mercado laboral bek", e mandatario a splica.

Reaccionando riba pregunta di Bon Dia, Croes a splica cu tambe persona cu traha part-time of cu ta traha como zpp'er of contratista lo por bin na remarca pa e ayudo di Fondo di Asistencia Social di Emergencia tanten cu nan no gana mas cu e suma di 950 florin cual ta e mesun suma cu gobierno lo ofrece pa hendenan afecta.

### 'No lo permiti pa saca persona cu ta huur y raporta abuso di compania via 2800707'

Via e mesun number no lo solamente coordina e ayudo pa personanan cu haya nan mes afecta, pero tambe lo por raporta abuso cu tuma luga. Por ehempel den caso cu un doño di cas purba saca un persona for di e cas cu e ta huur, via e number aki lo coordina cu Huurcommissie pa asina tuma accion. No solamente esey pero tambe Croes ta curasha tur hende cu constata un abuso na pia di trabou pa raporta via e mesun number.

### 'Hende ilegal ta hende tambe y lo bin na areglo apart pa nan'

Via instancianan internacional tambe lo percursa pa yuda personanan cu ta na Aruba sin status regular, Croes a indica. Asina por bisa cu lo por cana via Organizacion Internacional di Migracion y tambe e agencia di Nacionnan Uni pa Refugiado (UNHCR) pa asina financia e ayudo aki. Por a mira varios comentario riba medionan social bisando cu awo mester enfoca pa saca persona ilegal. Aunke e trabou pa expulsa hende sin status regular for di Aruba manera premier Evelyn Wever-Croes (MEP) a indica, e mandatario social a enfatisa cu mirando e situacion y desaroyo den region di persona cu ta busca miho porvenir,

'mester trata e hendenan aki tambe como ser humano pa-sobra nan ta hende'.

E mandatario a indica cu claramente lo bay tin hende cu lo kier purba abusa di e sistema aki, pero e ta enfoca riba e aspecto positivo cu e ayudo aki lo aporta, en bes di e grupo chikito cu semper lo kier purba abusa. "Na caminda nos ta wak con nos ta balansa e situacion y lo haci ahuste ora ta necesario", Croes a bisa.


"Si nos mester weita na caminda cu no ta 25 mil hende, pero ta 30 mil, dios laga pa e no ta pio, pero e realidad ta cu e unico pilar economico cu nos tin ta turismo. Pa proximo siman nos isla lo conoce su ultimo simannan, manera mi a comprende, Aruba lo ta sin entrada. No obstante es-



aki, gobierno ta comprometi pa no solamente go the extra mile, lo go the extra, extra, extra mile. Pa tur hende tin

coy come, pa tur hende tin placa den su man pa nan por biba."

## ANUNCIO IMPORTANTE!



### Nos orario a cambia te proximo aviso

Bou di e circunstancianan actual y e liñanan stipula pa contene e Coronavirus COVID-19, nos orario a cambia te proximo aviso.

### Habri 8:00 pa 12:00.

Despues di merdia nos ta cera pa cliente.

### Online si nos ta keda habri!

Si bo tin un peticion o pregunta tuma contacto cu nos:

- online riba [ennia.com/contact](http://ennia.com/contact)
- o manda nos un email riba [mail@ennia.com](mailto:mail@ennia.com)

Nos ta trata bo peticion mas pronto cu ta posibel y nos lo tuma contacto cu bo.

Cera bo seguro online riba [www.ennia.com](http://www.ennia.com)





## Natasja Gomez a gana Doorprize di KLM



ORANJESTAD – Diabierna ultimo Kiwanis Club of Palm Beach hunto cu Sr. Danilo de Freytas, Sales Manager di KLM pa Dutch Caribbean, a entrega e doorprize di KLM cu a wordo gana recien na e Kiwanis Carnaval Masquerade Party.

Manera ta custumber pa varios aña, KLM ta contribui na Carnaval Masquerade Party pa medio di un premio cu ta encera un round trip pa dos persona di Aruba pa Amsterdam. Kiwanis Club of Palm Beach ta masha agradecido mes na KLM cu ta contribui na comunidad dor di yuda cu e doorprize pa haci e fiesta aki aun mas grandi.

E ganadora di e doorprize di e aña aki a resulta den nomber di Sra. Natasja Gomez. KLM y Kiwanis Club di Palm Beach ta desea Sra. Gomez y su esposo un biahe placentero y pa disfruta di e roundtrip pa Amsterdam.

Riba e potret adhunto por mira e feliz ganadonan hunto cu Sr. De Freitas kende a otorga e premio. Sr. De Freitas a indica cu ta un orguyo pa KLM pa otorga e premio aki y asina aporta na un evento pa recauda fondo charitativo y di e forma aki duna sosten na nos comunidad y specialmente muchanan den necesidad. Sra. Gomez di su banda a expresa palabranan di gratitud na KLM pa e bunita gesto aki.

Kiwanis Club of Palm Beach ta forma parti di Kiwanis International, un organisacion caritativa mundial di boluntario dedica na cambia mundo, cuminsando na un comunidad y un mucha.

### Advertorial

Muchanan den categoria 1 a ricibi nan premio:

## Banco di Caribe a entrega premio na muchanan sobresaliente den Festival di Canto Bos Escolar

ORANJESTAD - Diabierna ultimo Banco di Caribe a haci entrega di premio na ganadonan di Festival di Canto Bos Escolar, edicion 'Cultural'. Manera tur hende sa diadomingo ultimo a tuma luga e festival di canto y muchanan por a participa den 3 categoria. Categoria 1 tabata pa muchanan di 3 pa 6 aña, categoria 2 pa muchanan di 7 pa 10 aña y categoria 3 pa muchanan di 11 pa 13 aña. Den tur categoria e scolnan lo ricibi un premio efectivo. Banco di Caribe ta masha orguyoso di por a patrocina categoria 1 den e festival di canto. Sr. Elvin Maduro, Managing Director di Banco di Caribe tabata tey diabierna ultimo na Arco Iris Kleuterschool pa haci entrega di e premionan na muchanan den e prome categoria.

Prome luga den e festival a ricibi un premio di Awg. 1.000, di dos luga a ricibi un premio di Awg. 750 y tercer luga a ricibi un premio di Awg. 500. Banco di Caribe ta felicita tur e ganadonan di Festival di Canto Bos Escolar, edicion 'Cultural' principalmente tur esunnan den categoria 1. Pabien na Kate Ras cu a representa Scol basico Washington y a resulta na prome luga, tambe Zoë Orman cu a representa Arco Iris Kleuterschool y a resulta na di dos luga, Kylie Kelly cu a representa Arco Iris Kleuterschool y a keda na tercer luga, Vira Richardson cu a representa Mon Plaisir Kleuterschool y a finalisa na di cuarto luga y finalmente Hailey Koolman cu a representa Imelda Kleuterschool y a keda na di cinco luga.

Di acuerdo cu Sr. Elvin Maduro, Managing Director di Banco di Caribe nan ta masha orguyoso di por a duna un aporte na e festival di canto di Muchanan Sabi y ta spera cu tur mucha a keda inspira den e trayecto pa sigui desaroya nan talento. Un pabien na tur mucha y na tur esunnan cu diabierna ultimo a ricibi nan premio.





*Lourdes Krosendijk Raven tocante coleccion di cocolishi 'Rikesa di nos lama'*

**'Cada un ta diferente, si e ta kibra bo no ta haya un identico mas'**

**ORANJESTAD** – Lourdes Krosendijk Raven ta un persona cu a haya e hobby di colecciona cocolishi desde aña 1998, loke a hiba pa e creacion di su mesun exposicion di cocolishi di lama cu ta yama 'Rikesa di nos lama'.

Durante un entrevista special cu Bon Dia Aruba a tene cune, el a comenta cu na e momentonan ey, juffrow di su yiu a hiba e hunto cu su yiu Brian – cu tabata studia e añanan final di kleuterchool – y su compañeronan di les pa piki cocolishi na lama y crea un bunita obra decora cu santo blanco y cocolishi, pa hiba esey na cas.

Krosendijk a conta cu un aña despues, e y su famia tabata keiro rond di Aruba y nan a haya un cantidad grandi cocolishi. A hiba nan cas, a laba nan tur, seca y warda nan. For di e momento ey el a cuminsa cumpra bukinan pa haya mas conocimiento di loke ta trata cocolishinan di lama, pa por sa number, con nan ta wordo crea y con por trata nan door cu nan ta masha fragil. "Cada un ta diferente, si e ta kibra bo no ta haya un identico mas."

Asina e interes di Krosendijk a sigui crece pa sa mas y cune e deseo di haya diferente especie di cocolishi cu ta den e bukinan manera Cowrie, Murex, Conch, Triton, Cone, Volute, Tellin, Ark y hopi mas.

E ta e creador di un exposicion cu ta yama 'Rikesa di nos lama' cu ta den su mesun cas. El a informa cu esaki ta consisti di diferente especie di cocolishinan, bushi, cangreu, coral, cabay di awa, strea y hopi mas, casi tur ta di Aruba.

El a señala cu Aruba tin hopi especie di cocolishi. Cada boca of beach tin su especienan cu un persona no ta haya e mesun cos di un luga pa otro. Tambe el a trece for di Barbados, Panama, Brasil, St. Thomas, Hulanda, Merca, Corsou, Bonaire, Cuba, Republica Dominicana y otro paisnan mas.

Cocolishi ta representa pa diferente color, forma, diseño y tamaño. Tambe por haya nan den lama, rooi, tera y mata, asina cu tin mas cu 100.000 sorto.

Cocolishi ta entre e categoria di bestianan mas antiguo di planeta, cada un di nan ta posee genes masculino y femenino. Nan reproduccion ta exige e participacion di dos individuo, nan ta un especie hermafrodita.

Tambe, prome cu nan inicia e acto di reproduccion, nan ta realisa un acto di 'cortejo'. E proceso di reproduccion ta prolonga entre 5 pa 10 ora y lo por ripiti cada 21 dia aproximadamente.

Pa haya e edad di un cocolishi ta algo mucho facil, pa motibo cu ta trata di bestianan hopi chikito, den mayoria di especie. Sinembargo, un di e principal forma pa haya sa esey ta via di su grandura. Si un persona ta conoce e especie, lo por determina si ta trata di un cocolishi adulto of chikito di acuerdo cu e centimeter cu e ta midi.

El a manifesta cu ora tin mal tempo por ehempel na Aruba of Venezuela, e lama ta trece hopi cocolishi y otro bestianan di lama y hende por piki nan riba santo y nan ta morto. Si un persona kier keda cu algun, mester limpia nan y trata nan pa un tempo largo pa e mal holo kita.

Di loke ta trata e manera pa cuida tur e cocolishi y otro elemento di lama cu e tin den su coleccion, Krosendijk a expresa cu e ta usa un cuashi cu baby oil pa hunta nan regularmente y mester tene nan den un luga scur pa nan no perde nan color.

Ademas, el a trece dilanti cu cocolishi tabata wordo usa hopi tempo pasa como placa. No tur pero algun di nan si, y cu esey nan por a cambia pa haya paña of cuminda, te hasta un pida luga pa biba.

Pa finalisa, el a pidi si algun hende haya un cocolishi bunita na beach of si tin cocolishi na cas y ta desea di pone den su coleccion, esey ta posibel. E lo presenta esaki cu mas cocolishi cu el a haya di algun persona y nan number lo wordo poni na e cocolishi riba un reki special.





## Coach di Saints ta test positivo pa coronavirus

**NEW ORLEANS (AP) —** Coach principal di New Orleans Saints, Sean Payton a haya sa ayera cu el a test positivo pa coronavirus, el a bisa ESPN.

Payton ta e prome empleado di sea un team di NFL of di e liga pa haci un diagnostico asina publico. El a bisa e canal cu el a bin dilanti pa motiva hende pa educa nan mes tocante kico nan por haci pa yuda combati e pandemia.

Payton a bisa cu el a haci e test dialuna despues cu el a cuminsa sinti malo un dia prome, pero tambe a bisa cu e no a bay hospital y no tin keintura ni tosamento. E coach di 56 años di edad a bisa cu e ta descansando comodamente na cas, unda e ta bou cuarentena propio.

“Mi tabata fortuna di ta den e minoria sin e efectonan serio cu algun ta haya. Mi tin suerte”, Payton a bisa ESPN. “Hende jong ta sinti cu nan



por handle esaki, pero nan por ta un transmisor pa persona cu no por handle e. Pues nos tur tin cu haci nos parti. Ta importante pa cada un di nos haci nos parti.”

Payton a bisa cu el a sinti cu ta importante pa ta particularmente alerta na Louisiana y area di New Orleans pa motibo di trafico di turista

internacional, specialmente rond di e festividadnan conclui recientemente di Mardi Gras.

“Pues nos mayornan, y tur esunnan cu ta mas sucep-

tibel pa e virus aki, merece pa tur hende haci nan best pa combati”, Payton a bisa. “Tin centenares di persona actualmente den predicamentonan dificil, luchando pa nan vida. Ban ta parti di e solucion, no e problema. Nos por facilmente reduci e cantidad di esunnan impacta. Nos mester haci nos best pa vence esaki.”

Payton a continua bisando cu no ta trata solamente di distanciamiento social. “Ta tocante shut down aki entre un pa dos siman. Si hende compronde e curva, y compronde e ‘bump’, facilmente nos por traha como pais pa reduci esaki.”

El a finalisa bisando: “Tuma un momento pa compronde kico e expertonan ta bisando. No ta complica pa haci locual nan ta pidi nos. Ta djis e sorto di inversion chikito di cada un di nos cu lo tin un impacto dramático.”

## Delantero di Madrid, Jovic investiga pa ignora isolacion

**BELGRADE, Serbia (AP) —** Delantero di Real Madrid, Luka Jovic ta ser investiga pa autoridadnan Serbia pa supuestamente viola un medida di isolacion propio despues di bolbe cas for di un pais infecta cu coronavirus, autoridadnan a bisa ayera.

Jovic, di 22 años di edad a bolbe for di Spaña siman pasa y a ser mira riba caya na Belgrade y riba potret du-

rante fiesta di cumpleaños di su pareha.

Presidente Serbia, Aleksandar Vucic a confirma cu Jovic ta un di e dos futbolista Serbia kende ta bou investigacion pa violacion di cuarentena.

Jovic a bisa riba su cuenta di Instagram cu no a inform’e di e proceduranan di isolacion, cu el a yega Serbia cu sosten di su pueblo y su famia y cu el a test negativo tanto na Spaña como na Ser-



bia. El a bisa cu e tin permiso di Real Madrid pa sali di cu-

arentena.

Como un esfuerzo pa stop

propagacion di coronavirus, Serbia a bisa tur persona bolbiendo di estadonan luchando contra e virus pa keda isola pa hasta 28 dia.

Sin menciona Jovic, oficialnan Serbia a critica futbolistanan ‘misionario’ pa viola e medida.

“E hecho cu nan ta deportista conoci, cu nan ta rico, no lo stop nan di ricibi castigo”, segun minister di Interior Serbia, Nebojsa Stefanovic a bisa ayera. “Of nan respeta ley, of nan lo bay cera.”

## Un dia despues cu Waerner ta gana Iditarod, otronan enfrentando peligro

**ANCHORAGE, Alaska (AP) —** Casi un tercer parti di e 57 musher den Iditarod Trail Sled Dog Race e aña aki a bandona e careda sin caba, incluyendo un musher cu a activa un boton di alerta pidiendo rescate ayera mainta pa motibo di condicion climatico.

Thomas Waerner di Noruega a gana e careda e aña aki, cruzando e linea final na Nome, Alaska, diaranson mainta. Diesocho otro musher a completa e careda ayera mainta, cu otro 20 ainda riba caminda.

Pa musher Nicolas Petit (riba e potret), un nativo di Fran-



cia ken awo ta biba na Girdwood, Alaska, ta e di tres aña consecutivo cu e ta haya problema laat den e careda,

incluyendo perde den un tormenta dos aña pasa, y su cachonan nengando di continua aña pasa.

Petit ayera a activa su boton di alerta entre e checkpoint di Elim y White Mountain, cu ta e penultimo checkpoint di e careda. “Un combinacion di clima y condicion riba caminda, Petit no por a continua, y door di activa su SOS, Petit a retira”, Iditarod a bisa den un declaracion.

Marshal di e careda, Mark Nordman a reporta cu e area tabata experimentando un tormenta costeño grandi, cu tabata afectando e ruta.

Un team di buskeda y rescate a yuda Petit y su team di cacho yega un cabina di refugio. Nordman a papia cu Petit via telefon satelite pa confirma cu tanto e musher como su team di 11 cacho tabata OK.

Petit a bisa cu e lo warda den e cabina te ora e tormenta pasa, y despues mush na sea Elim of White Mountain pa regla transporte fuera di e ruta.

Dos aña atras, Petit tabatin un bon bentaha den e careda te cu el a perde den un tormenta di lama Bering. El a recupera pa keda na di dos lug.

Aña pasa, su cachonan a stop di core casi na e mesun lug cu na 2018. El a culpa mal memoria di e cachonan pasobra nan a perde eynan un aña prome.

E careda e aña aki a cuminsa dia 8 di maart pa 57 musher. Desde e dia ey, 17 boluntariamente a retira di e careda, y un a keda retira pa no ta competitivo.



## Oficialnan Italiano cu suplica emocional na IOC

ROMA (AP) — Cu e cantidad di morto pa coronavirus awo mas halto na Italia cu na cualkier otro parti di mundo, dos ehecutivonan deportivo senior di e pais a haci un suplica emocional ayera na Comité Olimpico Internacional (IOC) pa reconsidera su posicion pa cu Olimpiada na Tokyo.

“Mi no ta contra Olimpiada. Pero bisando cu Olimpiada lo bay door ta un eror grandi den comunicacion”, segun Giovanni Petrucci, kende a sirbi como presidente di Comité Olimpico Italiano pa 14 aña, a bisa den un entrevista cu AP.

“E pandemia aki ta afectando mundo henter”, Petrucci a agrega, su voz yen di desesperacion. “Mi sa di e contractnan di biyones di dollar, acuerdonan di seguro. Mi sa tur esey. Pero bida humano ta bal mas cu tur e cosnan ey.” Yamado di Petrucci a bin despues cu oficialnan Olimpico regional a rally rond di



posicion di IOC pa tene apertura di Tokyo2020 segun schedule dia 24 di juli.

“Mi no ta kere mi ta e unico cu ta pensa asina. Otronan djis no kier bisa”, segun Petrucci, kende awo ta presidente di federacion di basketball. “Mi no kier ataca IOC. Tin demasiado hende eyden cu mi conoce. Pero mi no sa kico mas pa bisa. Mi no ta purbando di crea controversia. Mi ta realista. Mira e boletin medico.”

Atletanan tambe a cuminsa cuestiona posicion di IOC cu Olimpiada ta bay door.

Athleten Deutschland, e grupo defensor mayor pa atletanan Aleman, ayera a bisa cu IOC ta ‘terco bayendo dilanti cu planificacion di e weganan’, maske competidonan ta luchando pa keda fit memey di restriccion riba nan estilo di bida pa motibo di e virus. Italia, cu un poblacion di 60 mion, a registra sikiera 3,405 morto, of alrededor di 150 mas cu China – un pais cu poblacion 20 biaha mas grandi.

“No tin pais cu no ta afecta. Ta un asunto di respet pa es-

unnan cu ta sufriendo”, Petrucci a agrega, nengando di specula si mester cancela of postpone Olimpiada. “Mi no ta ken lo mester bisa. Nan lo mester bisa esaki.”

Paolo Barelli, presidente di federacion di landamento Italiano y Europeo, a sugeri cu IOC mester dicidi status di Olimpiada pa mey april. “Pa dia 15 di april lo tin atletanan cu no a train pa dos luna”, Barelli a bisa AP. “Atletanan ta manera holoshi. Nan mester train y funciona impecabel. Hopi di nan ainda mester clasifica, pues mester train no solamente pa clasifica sino tambe pa Olimpiada. Pues cualkier fecha despues di mey april ta hopi complicada.”

A suspende tur sport na Italia 10 dia pasa, na momento cu a pone henter e nacion bou lockdown. A postpone indefinidamente eventonan di clasificacion Olimpico manera encuentro di landamento di team Italiano.

Team campeon mundial di water polo masculino Ital-

iano no a train pa dos siman pa motibo di ceramento di pool, y mas cu mita di team di landamento Italiano ta forsa di suspende training, segun Barelli. “Con largo nan por keda pafu di awa?”

Landadonan top Italiano, manera Federica Pellegrini y Gregorio Paltinieri a continua training na Verona y Roma, respectivamente. Pero por rekeri pa hasta nan sali di awa pronto.

“Esunnan cu tin suerte pa tin nan pool habri y cerca di cas por train. Pero si e pool ta 100 of 200km leu, con nan por? E situacion ta opera pa clubnan deportivo y ciudadnan cu no por tene nan habri pa dos of tres persona”, Barelli a bisa.

Hasta si nan por train, hopi atleta simplemente a perde enfoke mientras ta preocupa mas tocante familiarnan den areanan di nort Italia mas afecta pa e virus. “Nan no ta train den condicionnan ideal”, Barelli a bisa. “Si e situacion continua asina den april, papia di Olimpiada ta ridiculo.”



### VACATURE SOCIAAL CRISISPLAN

Het Sociaal Crisis Plan is een grootschalig programma van Land Aruba bestaande uit een veelheid van projecten die samen naar de doelstelling leiden. Het programma wordt uitgevoerd in samenwerking met instellingen en organisaties binnen vier verschillende sectoren en is gericht op het voorkomen en bestrijden van sociale achterstanden, zoals drop out, criminaliteit en geweldproblemen, zoals huiselijk geweld, misbruik en verwaarlozing onder de doelgroep kinderen en jongeren. Het uiteindelijke doel is de instelling van een ‘child protective system’ (het kindbescherming systeem) over de hele keten van sociaal, zorg, onderwijs en justitie, zodat een kind veilig en gezond opgroeit in de Arubaanse samenleving. Voor dit project is Land Aruba op zoek naar kandidaten voor de volgende functie:

#### Office Coördinator

De werkzaamheden worden uitgevoerd binnen het Centro pa Hoben y Famia(CHF) op Aruba. Het primaire doel van CHF is om kinderen en jongeren tot 24 jaar en hun ouders/opvoeders ondersteuning te bieden in het proces van veilig opvoeden en opgroeien op Aruba. Veiligheid staat steeds centraal. Het CHF is een laagdrempelige ‘one-stop-shop’ gericht op voorlichting, ondersteuning, bemiddeling, begeleiding en toeleiding. Het kan ook een rol spelen in het vroeg signaleren. Het doelt ook het bevorderen van de maatschappelijke betrokkenheid en persoonlijke ontwikkeling van jongeren.

#### De functie

Als Office Coördinator bent u een soort duizendpoot, u heeft meer verantwoordelijkheden dan u op twee handen kunt tellen. U verricht ondersteunende, facilitaire en administratieve werkzaamheden. U gaat aan de slag met secretariaal werk, vult de voorraden aan en draagt zorg voor alle facilitaire zaken. Tevens coördineert u acties in samenwerking met uw collega's. Daarnaast gaat u afspraken maken, neemt u de telefoon aan en ontvangt u bezoekers. U biedt ondersteuning op alle overige vlakken binnen de CHF. Al bij al zij wij op zoek naar een pittige kandidaat die proactief meedenkt.

#### Uw profiel

U heeft minimaal een HBO werk- en denkniveau met een afgeronde HBO/MBO opleiding in de richting van Administratief en Facilitaire Zaken of een soortgelijke relevante opleiding. U heeft kennis van en aantoonbare ervaring met administratief, facilitaire, logistieke en ondersteunende taken. Tevens bent u vaardig in het uitwerken van brieven, correspondentie en stukken. U bent klantgericht en vaardig in het vriendelijk (telefonisch) te woord staan van derden voor het maken van afspraken. Daarnaast heeft u enig inzicht in de organisatorische en functionele verhouding binnen de organisatie. Goede mondelinge en schriftelijke uitdrukkingsvaardigheden in het Papiaments, Nederlands, Spaans en Engels is een pré.

#### De procedure

Voor meer informatie kunt u contact opnemen met mevr. Viviana Mc Donald, HR adviseur SCP, via tel: (+297) 528-1100. U kunt uw sollicitatiebrief en CV vóór 27 maart a.s. e-mailen naar SCP.vacatures@gmail.com. U ontvangt binnen twee werkdagen een ontvangstbevestiging (zo niet, neemt u dan contact met ons op). Uw sollicitatie wordt vertrouwelijk behandeld.





## Taekwondistanan no tabata tin mucho suerte den Open Taekwondo Championship

**ORANJESTAD** - Recientemente varios atleta den e deporte di taekwondo a participa den e torneo di clasificacion pa e Weganan Olimpico di Tokyo 2020 pa e continente America mientras pa su mañan a bringa den e Open di Costa Rica cu varios taekwondista rond mundo a participa.

Mester bisa cu nos atletanan no tabata tin mucho suerte e loting fuerte den e prome ronda unda nos muchanan a cay venci den tur combate. Tin algun cu margen grandi mientras e otronan preta y hasta den golden point.

Pa loke ta e resultadonan nos ta haya Rodriguez di Merca ta vence Sara Chirinos di Aruba 28 – 3. Atleta Olimpico, Monica Pimentel di Aruba ta perde preta di Barros di Brazil cu e score di 10 – 9. Zayhon Klaber a perde den sudden death contra di Rualcaba di Mexico. E pelea a caba 8 – 8 pero den e punto decisivo e Mexicano ta marca prome y ta gana Klaber. Di otro banda su ruman Jourde Klaber tambe ta perde preta 4 – 3 contra di Montufar di Guatemala. Nathan Fradl ta perde 14 – 3 contra di Lizzaraga di Mexico.

Tanto Zayhon Klaber, Monica Pimentel y Nathan Fradl a bringa e clasificacion Olimpico.





*Parlamentario Endy Croes(MEP):*

**‘Den e crisis mundial aki No one will be left behind’**

**ORANJESTAD** - Parlamentario Endy Croes ta haci un suplica y un plegaria na henter pueblo di Aruba pa laga nos uni pa bringa e pandemia Corona Virus of tambe yama Covid-19 hunto como un solo pueblo y un solo bloque pa salvaguardia nos patria Aruba. Parlamentario Endy Croes ta preocupa cu e responde di un porcentahe di nos pueblo cu no a tuma e consehonan di Gobierno y expertonan tanto na serio ainda y esaki tabata notable cu e cantidad di hendenan ainda riba caya y/of na lama 18 di maart ultimo. Corona Virus ta un virus cu ta wordo transmiti masha masha lihe y por ta mortal primordialmente pa hendenan di un edad mas halto y hendenan cu ta sufri di malesanan cronico.

Di acuerdo cu cifranan internacional 81% di esnan infecta lo bira malo pero levente, 14% lo bira hopi malo y 5% lo ta fatal. Es decir di cada



100 persona infecta 81 lo bira malo leve, 14 lo bira hopi malo y 5 lo fayece. Gobierno di Aruba hunto cu su expertonan local ta den contacto estrecho cu World Health Organisation (WHO) y tambe RIVM di Hulanda esta (Rijksinstituut voor Volksgezondheid en Milieu) pa

asina hunto sigui e protocolnan mundial estableci pa expertonan riba e tereno aki. Mundo y expertonan ta deal cu un virus nobo unda ningun pero ningun hende por a anticipa e embergadura di Corona Virus. No solamente un sla formal pa e ser humano unda paisnan ta cerando

frontera un mas prome cu otro pa proteha salud di nan con ciudadanonan pa purba controla y derota Corona Virus pero alabes e golpi economico fuertisimo pa mundo henter. Parlamentario Endy Croes ta pensa ki mensahe esaki lo ta pa e humanidad rond mundo?

Tin cosnan ta pasa pa algun rason y kisas ningun di nos ta compronde y tin splicacion pa esaki ainda. Kico ta e mensahe cu Señor a manda pa henter mundo? Ohala nos por biba e dia pa compronde esaki. Aruba ban UNI, Aruba ban traha hunto y ban busca e salida pa henter e pais. Desde Gobierno, Gremio, Comercio, Sindicato, NGO's y tur pero tur organisacion y instancianan rond Aruba. No ta e momento pa busca pleito ni tampoco culpa ningun hende.

Ta momento pa pone tur diferencia un banda. Ta e momento pa calma otro, tin comprension pa e situacion y haci tur cu ta na Bo alcance pa abo tambe forma parti di e solucion. Yuda bisiñanan

cu ta den necesidad, yuda prohimo cu a perde trabou y brinda atencion na e humanidad. Bin cu ideanan positivo cu por contribui. Kita e bachi di negativismo. Parlamentario Endy Croes ta accentua cu nos Minister Presidente Evelyn Wever Croes, Minister di Salud Danqui Oduber y henter e elenco di Ministernan a lora manga di camisa y dia y nochi sin sosiego ta buscando solucion pa henter nos pueblo. No one will be left behind!

Gobierno lo busca tur hermentnan na su alcance pa brinda ayudo na esunnan mas afecta manera empleadonan den e cadena di turismo y negoshinan cu lo haya nan den situacionnan impopular. Awor ta e momento pa nos cera cabes. Un pa tur y Tur pa un! Responsabilidad di cada conciudadano sigui protocol di prevencion y instruccion di gobierno. Laba man, no sunchi, no brasa y tosa den elleboog. No bishita nos grandinan ban cuida nan. No sali di cas! Ban yuda proteha comunidad. Hunto nos por!

*Parlamentario Richard Arends(AVP):*

**‘Si no no mester sali #kedacas’**

**ORANJESTAD** -Reaccionando riba e yamada di expertonan y autoridad pa tuma medidanan di precaucion den cuadro di e coronavirus (COVIS-19), Parlamentario pa fraccion di AVP, Sr. Richard Arends a para keto riba nos obligacionnan civico pa asina por yuda contene e expansion di e virus aki den nos cuminda. Den un mensahe riba su pagina di Facebook e parlamentario a subraya cu Aruba ta experimentando accionnan cu ta haciendo un cambio sin precedente den nos bida cotidiano.

“Hunto cu mi coleganan di fraccion nos ta urgi tur hende pa sigui e instruccionnan di expertonan y autoridad riba tereno di higiena, distanciamiento social y pa evita cualkier tipo di aglomeracion. Esaki ta nos deber como ciudadanonan y nos mester cumpli cune. Aworaki Aruba mester ta mas uni



cu nunca,” e la bisa.

Parlamentario Arends a gradici di esunnan den e prome liña – esunnan prome

yama pa brinda asistencia y ayudo – dokternan, enfermeronan, esnan den orden publico y tambe boluntarionan cu tin biaha ta pone

nan salud den riesgo pa yuda esnan di mas vulnerable. Tambe e la para keto un rato na esnan cu ta sinti e efectonan mas directo; esnan

traha den turismo y horeca, pero tambe comercio en general, manera empresanan mediano y chikito y esnan cu ta traha independiente. Den su mensahe e la sigura cu Aruba lo sa di bons bek mas fuerte cu nunca di e mal tempo aki. Sr. Arends a haci un suplica ta e ciudadanonan pa cuida otro manera un famia, specialmente esnan di mas vulnerable, nos grandinan, enfermeronan y nos muchanan.

“Nunca antes nos libertad pa move unda cu nos kier y ki ora cu nos kier a wordo limita di e manera aki. E ta un sacrificio cu nos tur ta haci. Ban compromete nos mes pa limita contagio pa nos bida normal y economia por start di nobo mas pronto cu ta posibel.” Sr. Arends a finalisa bisando: “Si bo no tin nada di haci riba caya, keda cas!”. Di es manera aki fraccion di AVP tambe a uni su mes na manda un mensahe cla pa yuda combati e expansion di e COVID-19.







*Ex Promer Minister Mike Eman (AVP):*

## “Aruba ta para un bes mas na un crusada nacional”

**ORANJESTAD - Ex Prome Minister y Lider di e partido mas grandi na Aruba AVP, mr Mike Eman den su reeleccion riba e situacion alarmante cu mundo y Aruba ta den pa motibo di e corona virus, a expresa tambe su perspectiva y preocupacion pa e impacto economico cu esaki ta bay tin riba comunidad y Aruba.**

Decisionnan tuma door di aerolinea y cruceronan y mirando e cifranan economico di pais Aruba, esaki sin duda ta bay ta devastador pa nos hendenan y nos isla. "Mi a mira ayera e prome y di dos kwartaal di aña pasa y esaki ta muestra cu na maart 2019 nos tabatin 180 mil turista na luna di maart, na april 150 mil y na mei cifranan similar. Den tres luna nos ta yega na alrededor di 480 mil turista y e aña aki nos ta coriendo riesgo di lo no tin e turistanan aki na Aruba. E cifranan aki ta representa un biyon florin di economia di pais Aruba.

E un biyon florin aki ta entre otro e salarionan di tata y mama di famia cu ta traha den hotelnan y den otro partinan di e sector turistico, tiendan, taxista, waiternan den restaurantnan y tur otro compania cu directamente of indirectamente ta acopla na turismo.

"Aruba ta para un bes mas na un crusada nacional. Un momento di reto sumamente grandi. E ta bay existi e miho talentonan, e miho capacidad y boluntad di nos hendenan pa nos por supera tanto e reto di salud como e reto economico cu ta bay pisa den hogar di tur nos hendenan". "Nos ta teme pa e trabou di nos hendenan, nos ta teme pa nan entrada, nan salud y nan porvenir. Awe, riba nos Dia Nacional nos tin cu hinca ru dia cu cara na shelo pa cu nos fe pidi nos Creador pa un bes mas duna e isla chikito aki e conocimiento y fervor pa supera e reto grandi aki den podise su momento di mas crucial."

Eman a splica cu si e momento di e lucha pa nos Status Aparte a trece nos hunto pa un causa comun y si e momento pa supera e reto nan di ciere di e refinaria na 85/86 a trece dilanti e miho talentonan, e miho capacidad intelectual y visionario di nos hendenan, si na momento di e crisis di 2007/2008 hunto cu un bes mas ciere di e refinaria na 2009, hendenan capaz a delinea un caminda di salida pa Aruba. Gobierno a inverti cu hopi proyecto pa pone nos economia bek riba pia y crea cuponan di trabou y na e mes momento a inverti den recupera e poder di compra di nos hendenan. E mesun capacidad aki lo mester tin pa nos supera e crisis aki tambe. Cu un plan integral cu respaldo nacional, nos por rescata Aruba for di e situacion aki tambe.

"E reto aki ta rekeri e miho di e curason di nos tur. Kitando un banda tur e diferencianan politico y poniendo Aruba central den nos curason, poniendo e bienestar di cada



ciudadano central y poniendo hunto tur nos conocimiento y capacidad pa supera un di e reto nan mas grandi cu Aruba a yega di conoce y un di e inkietud nan pa loke ta salud di nos hendenan cu mas temor a crea den nos sociedad.

Eman a finalisa bisando cu para na e monumento unda number di e tatanan di nos pais ta graba, nos ta comparti cu Aruba henter e amor cu

nos tin pa e patria aki y a yama danki na tur cu a sirbi Aruba den pasado. "Ban tuma nota di tur e consehonan cu nos ta haya pa proteha salud di nos hendenan. E distancia social ta algo fisico, pero e cercania di otro den nos curason mester pone nos hunto supera e crisis aki. Eman ta gradici tur esnan na "frontline" den e cuida di nos salud y ta haci un yamada nacional pa e reto nan social economico nos dilanti tambe.

*Parlamentario Shailiny Tromp-Lee (MEP):*

## “Nos a reuni cu ATIA den e Comision Fihon di Labor y Sector Primario cual mi ta presidi.”

**ORANJESTAD - Recientemente a tuma lugar un reunion cu pa algun tempo tabata pending. Nos a reuni cu Representantenan di ATIA, esta sr. Tito de Cuba cu ta secretario di Board di ATIA y sra. Michelle de Groot Director di ATIA.**

ATIA como organisacion ta traha cu diferente comision interno. Un di nan ta esun di labor. Sr. Tito de Cuba ta presidi dicho comision pa ATIA.

### Industria Turistico

Durante e reunion di awe mainta nos a trata diferente punto. Entre otro a trata e reto nan grandi riba mercado laboral, si tene na cuenta e posibel desaroyo economico cu ta keda premira pa e industria turistico. Desaroyonan cu lo crea cuponan di trabou y cual na e momentonan aki nos mercado laboral no por yena.

Un manera cu a keda trata pa contra aresta e problema aki, ta door di stress riba un miho matching entre labor y enseñansa.

### Hobennan & Empleo di Futuro

Otro aspecto interesante y cu ATIA tambe ta subraya su necesidad ta e maneho y plan di accion dirigi riba nos hobennan. ATIA ta indica cu mester haya un bista total y completo di e hobennan aki pa enberdad nos por yuda nan. Aki nos a informa cu Gobierno a informa Parlamento cu esaki lo ta cla na mei awor.

Otro aspecto interesante cu nos a touch un rato ta empleonan di futuro manera Coding y tambe e



posibilidad pa haci uzo di remote work - traha for di cas. Segun ATIA den futuro mas y mas nos ta bay tin mester di nan y sigur e ultimo a demostra cu e por beneficia e productividad di un trahado y aporta na e bienestar social di nos pais.

### Imagen doño di trabou

Un punto hopi importante cu ATIA a presenta ta cu nan kier bay traha riba e imagen di e doño di trabou (por chempel pa kita e stigma cu nan ta explota trahadornan). Pa logra esaki nan lo bay traha riba data, esta cuanto trabou nan ta crea, cuanto placa/salaris esakinan ta genera, info over tur e community work, sponsoring etc. cu ta sali di nan miembronan. Cu por tin doñonan di trabou cu ta actua Incorecto por ta e caso pero ATIA sigur no ta sostene e practicanan aki.

Tambe nos a papia over di e estructura salarial di entre otro e industria industrial caminda tips ta hunga un rol hopi importante.

E reunion en general a bay den bon ambiente y caminda mas puntonan a keda trata manera: Redtape den Gobierno y e Fast-track cu Gobierno kier introduci pronto  
 Info session di ATIA pa su miembronan encuanto Ley di Labor, impuesto etc.  
 Un parti di reforma fiscal  
 Posibel introduccion den futuro di un certification pa e sector di Construcion

Coronavirus: ATIA a sinta cu DVG y lo tin un info session pa nan miembronan dentro di poco Vergrijzing

Na final a keda palabra cu lo bay mantene un relacion mas estrecho y cu lo percura pa reunionnan mas regular entre e Comision di Labor y Sector Primario di Parlamento cu ATIA.





## Departamento di Asunto Social cu medidanan en conexion cu Covid-19

**ORANJESTAD - En conexion cu e situacion actual di Corona Virus (Covid-19) y e medidanan di "social distancing" y prevencion pa contene e virus aki, Departamento di Asunto Social kier informa tur su clientela di lo siguiente.**


Entrante 17 di maart te cu 31 di maart 2020 tur Oficina di Departamento di Asunto Social lo ta cera pa bishita publico. Tur servicio na nos clientela ta continua unicamente via nos liñanan di telefon directo pa cada departamento of via e-mail. Casonan di emergencia lo wordo atendi conforme e protocol di instruccion desaroya pa personal di Departamento di Asunto Social. E medidanan aki ta vigente te cu 31 di maart 2020.

Tur cliente cu tin un cita pendiente cu DAS por yama nos pa mas informacion na un di nos liñanan di telefon. Nos kier informa cu si un cliente no tin minuut pa yama via celular, por indica esaki na un di nos personal pa asina nos por yama bek. Asina aki nos por garantisar un miho servicio na nos clientela.

Departamento di Asunto Social a habri tur liña directo pa cada departamento y por yama entre 7.30am pa 11.30am y for di 12.30pm te cu 4.30pm di dialuna pa diabierna;

- DAS Centraal 5281100
- Seccion Bida y Famia 5281150
- Guia Social O.stad 5281120
- Guia Social San Nicolas 5281130
- Guia Social Paradera/TL 5281140
- Abogado Liber 5281160

Departamento di Asunto Social lo haci anuncio oficial asina cu bin cambio den circunstancia y medida di proteccion contra Covid-19. Por sigui tur anuncio via nos pagina di Facebook.



## Medida di censo en conexion cu situacion actual

**ORANJESTAD - En conexion cu situacion di Corona Virus (Covid-19), Censo a implementa e siguiente e medidanan di prevencion te cu 31 di maart 2020:**

Censo lo duna servicio limita na su clientenan di 09:00 pa 13:00 or. E filial na LG Smith Boulevard lo keda cera. Aki bao bo persona lo haya informacion mas detaya pa cu e diferente productonan.

PRODUCTO	SERVICIO
acta di nacimiento (registracion di baby)	servicio entre 09:00 te 13:00 or. Pls. laga bo baby recién naci na cas!
acta di fayecimento	servicio entre 09:00 te 13:00 or.
matrimonio	Censo lo tuma contacto cu e parehanan cu lo casa te cu 31 di maart 2020. Si nan ta desea di sigui cu e matrimonio, Censo lo permiti max. <b>10</b> persona den sala di casamento!
Ondertrouw/duna man	Censo lo tuma contacto cu e parehanan cu tin cita te cu 31 di maart 2020.
Registracion di divorcio	Censo lo registra solamente e divorcionan di cua e termino di 6 luna pa registra lo caduca prome cu 31 di maart 2020.
Cambio di adres	Solamente servicio online: <a href="http://www.censo.aw/main/adreswijzigingen/">http://www.censo.aw/main/adreswijzigingen/</a>
Uitschrijving-mudamento pa exterior	Solamente servicio online: <a href="http://www.censo.aw/main/uitschrijving/">http://www.censo.aw/main/uitschrijving/</a> Pa e persona cu ta muda dentro di Reino, pls no lubida di pone number di telefon pa Censo por tuma contacto cu bo persona pa busca verklaring uitschrijving.
Registracion como residente di Aruba	Solamente servicio via e-mail: Manda copia di tur documentonan via e siguiente e-mail: <a href="mailto:Janelis.werleman@censo.aw">Janelis.werleman@censo.aw</a> y <a href="mailto:Charlene.quant@censo.aw">Charlene.quant@censo.aw</a> . Pls no lubida di pone number di telefon pa Censo por tuma contacto cu bo persona.  Documentonan necesario: <a href="http://www.censo.aw/main/inschrijving/">http://www.censo.aw/main/inschrijving/</a>
Entrega di peticion pa registra matrimonio celebra den exterior	Censo no ta tuma peticion nobo te cu 31 di maart 2020
Entrevista pa registracion di matrimonio celebra den exterior	Censo ta cancela tur cita te cu 31 di maart 2020
Paspoort/ID	Peticion nobo lo wordo tuma solamente si bo persona no tin otro medio di identificacion vigente.  Si bo persona tin paspoort pa busca, pls. tuma contacto cu e siguiente nr. di telefon: <b>5223652</b>
Stamboom	Censo no ta tuma peticion nobo te cu 31 di maart 2020. Si stamboom ta pidi caba, Censo lo tuma contacto cu bo persona ora e ta cla.
Otro documento (papel di Awg. 5,00, verklaring inschrijving, etc.)	Pls. tuma contacto cu e siguiente nr. di telefon 5223676 of 5223652 pa e empleado di Censo evalua e urgencia di bo caso.

Pa pregunta nos tin e siguiente nr. di telefon disponibel:  
5223676  
5223652/5223653/5223654

Nos ta pidi cooperacion di tur nos cliente pa no bin Censo, si no ta necesario. Keda pendiente di nos website y FB-page si tin cambio den e situacion. Danki pa boso comprension. Ban uni tur den e lucha contra plamacion di Coronavirus!

## Cambio den servicio pa publico na Departamento di Cultura Aruba

**ORANJESTAD - Departamento di Cultura Aruba (DCA) ta informa cu en conexion cu e anuncio di Gobierno di Aruba referente e pandemia di COVID-19 (Corona virus) a activa e tercer fase di contingencia di nos protocol pa atende cu esaki;**

Algun cambio pa locual ta nos servicio:

1. DCA lo keda operacional, pero lo ta cera pa atende cu publico te proximo aviso.
2. DCA lo funciona pa medianan virtual y elec-

- tronico (via telefon, e-mail, FB, etc.).
3. Pa medio di telefon por atende cu preguntanan di publico, via tel.: 5822185 durante ora di oficina.
4. Preferiblemente haci uzo di e-mail adres aki pa preguntanan: [info@cultura.aw](mailto:info@cultura.aw) of via inbox di nos Facebook Departamento di Cultura Aruba

Directiva di DCA lo keda monitor e situacion y lo informa debidamente segun e situacion lo ta desaroya. Esaki ta vigente di dia 16 di maart te cu 31 di maart

2020, y pendiente cu Gobierno di Aruba anuncia otro periodo.

Ta importante pa nos sigui informacion di fuente oficial. Ta nos como ciudadano ta responsabel individualmente pa preveni COVID-19 Corona virus door di sigui e consehonan cu Gobierno di Aruba ta informa.

Den number di director, staf y personal di DCA nos ta pidi nos disculpa pa inconveniencia y ta spera di por conta cu e comprension di pueblo di Aruba.



## AHATA: Ta premira zero ocupacion otro siman

**ORANJESTAD - Cuminsando otro siman no tin turismo na Aruba, esaki ta e realidad cu nos industria di turismo ta experienciando a consecuencia di e crisis mundial di Coronavirus COVID-19.**

Den esfuersonan importante pa frena e virus na Aruba, nos Gobierno mester a tuma e decision dificil pa cera nos frontera pa tur bishitante internacional te 31 di maart. Aerolineanan cu ta experienciando retonan sin precedente a cambio nan schedule como reaccion na tur frontera cera y pa purba salvaguardia nan compania.

Segun e comunicado cu nos a ricibi ta indica cu, riba dia 25 di maart proximo vuelonan di Merca lo stop di yega y sali di Aruba temporalmente. Vuelonan yegando ta trece residente local so y no bishi-

tante pa motibo di nos frontera cera pa bishitante internacional. Vuelonan cu ta sali ta hibando turistanan bek cas.

Ta importante pa tur hende comprende cu ocupacion na hotel ta bahando lihe y pa otro siman ta premira cu e ta yega ocupacion 0. Sin bishitante no tin huesped y cliente pa nos industria di HORECA. Sin cliente, no tin entrada. Hotelnan lo mester suspende servicio y keda mantene e facilidadnan minimalmente pa por habri bek mas lihe posibel.

Nos ta spera cu nos por drenta den fase di recuperacion pronto, danki na tur e decisionnan dificil cu mester tuma awor. Nos mester yuda Aruba pa ta lo mas resiliente posibel pa surpasa e crisis mas lihe posibel. AHATA ta trahando estrechamente cu Gobierno y ta urgi tur compania pa tuma



decisionnan responsabel y haci lo mas posibel pa apoya nos residentenan durante e crisis.

Ta urgi tur hende na Aruba pa sigui e instruccion di Departamento di Salud Publico, pasobra e lucha contra e

transmision di e virus COVID-19 ta responsabilidad di nos tur. Nos tur mester yuda otro mas cu nunca.

## Minister Maduro y Minister Oduber a reuni cu grupo di mayorista

**ORANJESTAD - Diahuebs mainta Minister Maduro di Asuntonan Economico y Minister Dangui Oduber di Salubridad hunto cu expertonan di Departamento di Asuntonan Economico a reuni cu**

**un grupo di mayorista na Aruba.**

Segun e comunicado cu nos a ricibi ta indica cu, esaki tabata un reunion pa brinda informacion riba e lista di productonan di primera necesidad

cu Gobierno lo bay regula temporalmente. E meta di e regulacion aki ta pa tur hende por tin acceso na e productonan basico specialmente di higiena pa asina por enfrenta e reto cu COVID19 ta trece cune. Minis-

ter Maduro a informa cu e lista di e productonan aki no ta forma parti di e productonan den e Canasta Basico. Esaki ta un lista di extra productonan di primera necesidad cu ta wordo regula temporalmente. Despues di 3 luna Gobierno lo bolbe reevalua e situacion y e lista di productonan.



Ta trata di e siguiente productonan: desinfectante pa uzo personal; hand-sanitizer, alcohol 70%, glacial y habon. Desinfectante domestico; productonan cu ta contene chloor, lysol y wipes, bebida cu ta contene electrolyten, papel di wc, ekipo di proteccion (masks, gloves), bruki pa baby, dried fruit, baby wipes, cornflakes plain, frozen fruits, frozen chicken whole legs y frozen chicken wings.

E mandatario a enfatisa cu ta importante pa den e situacion di crisis di COVID 19 cu Aruba ta aden, pa e consumidor por tin acceso na productonan necesario, entre otro, di higiena pa por preveni contagio.

Hunto cu e mayoristanan a yega na e acuerdonan necesario pa asina por yuda e comunidad na e miho manera. A delibera tambe riba otro forma con mayoristanan hunto cu Gobierno por bay yuda comunidad pa enfrenta e crisis aki cu no conoce precedencia algun.

Minister Maduro y Minister Oduber ta gradici tur mayorista pa nan contribucion positivo y ta desea nan y tur otro comerciante hopi forsa pa enfrenta e retonan nos dilanti. Como Pais, hunto nos lo logra surpasa e crisis aki.



## Pitbull a sali for di cura di cas y ataca un señora

**CATIRI** - Diaranson den careda di 7or di anochi dos señora cu a sali for di supermarket na Catiri y bayendo cas a keda ataca pa un cacho. E pitbull cu a sali for di un cura di cas y ataca un di e personanan.

E señora a haya mordi na su man. E tata di e señora

cu a scucha e desordo a sali wak kico ta pasando y a drenta accion. E cacho a core drenta un cura di cas despues cu el a bay cu un sapato di e dama. Polis a yega di biaha y a scucha e victima herida y a bay intermedia. personal di ambulance a atende cu e persona herida. Polis a papia cu e doño di cas di e consecucionan.



*Royal*  
**Aurora**  
*Funeral Home & Crematory*

"Dios ta amor... y amor ta Dios,  
maske mi no ta na e mundo aki, tur dia lo mi  
ta banda  
di boso Curazon, mi por stens di loke Señor ta  
hasi"  
Salmo 33

Agradecido pa loque e la significa pa nos y  
conforme cu Dios su boluntad nos ta participa  
fayecimento di nos esposa, mama, ruman,  
tanchi y nana



**Catharina I. Tromp**

Mi hor conoci como: 'Arina'

Su mayornan: †Leo (Nadi) Tromp y †Eginia (Ina) Tromp-Franken

Na nomber di su:

Casa: Candido (Hai) Dabian  
Yiu: Gunnard Dabian y Anouschka Maduro  
Rumannan: Greta y Oscar Wernet  
Edwina Tromp  
Clea y Johnny Croes  
Leo Tromp  
Cuñanan: Judy Boekhoudt y famia  
Salomon Boekhoudt y famia  
Marlene Tromp y famia  
Riri Dabian y famia  
Mercedes Croeze y famia  
Norma Lampe y famia  
Miro Dabian y famia  
Ronita German  
Romy Dabian  
Mariska Verschoor

Sobrina:

Verousca Croes y Isaac Rosinda

Sobrinonan:

Lysander y Allyn Wernet y yiunan  
Ricky Wernet y Renne Croes y yiunan  
Harvey Wernet y Jinny Tromp y yiunan  
Hiram Tromp y famia

Amiga:

Filomena Pourier y famia

Primo stima:

Gabriel (Gaby) Tromp

Demas primo y primanan

Demas famia: Tromp, Croes, Maduro, Wernet,  
Dabian, Rosel, Boekhoudt, Grant, Hu-Ang,  
Wong, v/der Biezen, Rosinda

Conosirnan, bisñanan, su Grupo di oracion  
di "Koyari"

**En conecion cu e situacion actual cu nos ta  
pasando aden, entiero lo tuma lugar den  
seno familiar, por manda condolencia via  
email, whatsapp of un yamada. Masha  
danki pa bo(so) comprension.**

Despues di entiero no ta ricibi bishita di  
condolencia na cas.





Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 19 Mar 2020 Anochi

<b>CATOCCHI</b>
Sorteo # 7038
<b>6732</b>
<b>3192</b>
<b>8032</b>
<b>BIG 4</b>
Sorteo # 6082
<b>6544</b>
<b>1OFF</b>
Sorteo # 787
<b>4755</b>
<b>ZODIAC</b>
Sorteo # 4841
<b>4233</b>
<b>Aquario</b>
<b>KORSOU</b>
Sorteo # 2705
<b>7749</b>
<b>7716</b>
<b>2314</b>

<b>LOTTO 5</b>		
Sorteo #	Joker	Letter
0 x Jackpot	<b>520.000,-</b>	
0 x Match 4+		
0 x Match 4		
0 x Afl. 12,00		

<b>LOTTO DI DIA</b>	
Sorteo # 5065	<b>08-15-16-23-25</b>
0 x Jackpot	Proximo Jackpot
5 x Match 4	<b>56.000,-</b>
95 x Afl. 8,00	

<b>MINI MEGA</b>	
Sorteo #	Mega Ball
0 x Jackpot	<b>350.000,-</b>
0 x match 4	
0 x Afl. 500,00	
0 x Afl. 50,00	
0 x Afl. 15,00	

<b>MINI MEGA PLUS</b>
<b>Afl. 450.000,-</b>



**DIARIO** 3746-7420-0745

**SUPER 4** 5257



Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 19 Maart 2020 Merdia

<b>CATOCCHI</b>
Sorteo # 2861
<b>3093</b>
<b>4793</b>
<b>2711</b>
<b>BIG 4</b>
Sorteo # 2861
<b>5181</b>
<b>1OFF</b>
Sorteo # 917
<b>6476</b>
<b>ZODIAC</b>
Sorteo # 2861
<b>6759</b>
<b>Capricorn</b>

<b>LOTTO 5</b>		
Sorteo #	Joker	Letter
0 x Jackpot	<b>520.000,-</b>	
0 x Match 4+		
0 x Match 4		
0 x Afl. 12,00		

<b>LOTTO DI DIA</b>	
Sorteo #	<b>Proximo Jackpot</b>
0 x Jackpot	<b>55.000,-</b>
0 x Match 4	
0 x Afl. 8,00	

<b>MINI MEGA</b>	
Sorteo #	Mega Ball
0 x Jackpot	<b>350.000,-</b>
0 x match 4	
0 x Afl. 500,00	
0 x Afl. 50,00	
0 x Afl. 15,00	

<b>MINI MEGA PLUS</b>
<b>Afl. 450.000,-</b>



**Aries**

Luna ta den bo elemento activo di e parti entusiasma y aventurero di bo bida. Durante e dia di awe hopi cos cu bo a soña lo materialisa. Lo aproxima momentonan importante. Number: 19, 21, 32 46.



**Tauro**

Lo bay tin un eclipse di luna. Bo experiencia y intuicion lo indicado loke bo mester haci. Sea prudente na ora di expresa bo opinion y sentimentonan y evita papia di mas. Number: 18, 20, 22 36.



**Geminis**

Cuida e detayenan di e dia aki. Kendenan stima bo lo sa di aprecia esakinan. Hopi biha ta e cosnan chikito ta haci cu amor ta florece y ta mantene e entusiasmo. Number: 16, 24, 36 44.



**Cancer**

Eclipse di luna ta duna bida na oportunidadnan nobo. Luna ta den transito door di e elemento di candela, precisamente e weekend aki cu ta inspira bo. Number: 4, 17, 25 35.



**Leo**

No solamente mester sa con pa papia. Ta hopi importante scucha. E ciclo cu a cuminsa cu e eclipse di luna por causa un exceso di entusiasmo y haci bo mira amor caminda e no t'ey mas. Number: 16, 22, 34 45.



**Virgo**

E eclipse di luna den bo bida, lo habri un caminda diferente yena cu amor. Ora cu aclaria e puntonan cu ta haci bo inkierto, bo lo bo mira con bo bida sentimental lo cana. Number: 7, 18, 23 35



**Libra**

E eclipse di luna ta loke bo tabata spera y lo materialisa pronto. E di dos eclipse di luna di e aña aki lo trece y tur cos cu ta pone bo pensa, reflexiona y actua. Lo bo haya un sorpresa. Number: 18, 23, 27 31.



**Scorpio**

Bo horizonte sentimental lo enrikece. Biba bo fantasia, pero cu persuasion pa no complica bo bida e ciclo aki. Awo bo horizonte nan sentimental lo enrikece. Number: 19, 23, 30 41.



**Sagittario**

Un ilusion di pasado lo renace. E energia di luna den bo sino lo yuda descubri interesnan. E aspecto feliz aki lo contribui pa bo sinti bo mes cu mas sigur na momento di tuma cualkier decision. Number: 2, 11, 22 35.



**Capricornio**

Tuma iniciativa y no sigui warda. Pone bo creatividad y imaginacion funciona pa haci algo diferente awe noch. Sigui bo impulsanan intuitivo, pero cu bo sentido comun. Number: 10, 24, 37 40.



**Aquario**

Lo bo bay tin un espacio di tempo pa biba. Ta ora di scucha y no di yega na conclusionnan sin scucha splicacion. Controla bo mes prome cu husga, atende cu e persona ey. Number: 19, 23, 45 54.



**Pisces**

Lo bo wordo inspira pa haci algo nobo den bo bida intimo. Cu e cosmico precedente di e eclipse luga, lo bo sinti bo mes inspira cu diferente cos den bo bida. Number: 3, 11, 22 31.





**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelandstraat 15 Aruba  
297-583-1016  
297-583-6607

**Fundacion Hende Muhe den Dificultad**  
Tel: 583-5400

**Fundacion Autismo Aruba**

Irenestraat 21 Aruba  
297-588-1179

**Fundacion Pa Nos Muchanan**

Cumana 2 Aruba  
297-583-4247

**Fundacion Tel Pa Hubentud**

Wilhelminastraat 19 Aruba  
297-588-6138

**Koningin Wilhelmina Fonds**

Spinozastraat 9 Aruba  
297-582-0412

**Mary Joan Foundation**

Sabana Blanco 8 Aruba

297-588-9999

**Rode Kruis Aruba**

Pedro Gallegostraat 14  
Tel. 297-582-2219  
Fax 588-3376

**Famia Planea (SBVO)**

Avenida Milio J Croes 17 B Aruba

297-588-9591

www.famiaplanae.org  
famiaplanae@hotmail.com

**Stichting Fundacion Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord (close to the hotels)  
Tel: 736-2952 or 593-7081

**Dokter na warda**



**Oranjestad**

Hospital  
7:00 pm / 10:00 pm

**San Nicolas**

Imsan 24/7

**Botica na warda**

**Oranjestad:**

Sta. Cruz  
Tel. 585 6890

**San Nicolas:**

Seroe Preto  
Tel. 584 4833

**Servicio di Taxi**

**Aruba Transfer Tour & Taxi C.A.**

Pos Abao #41  
P.O. Box 723 Aruba  
Tel: 582 2116 / 582 2010  
Fax: 583 6988



**A1 Taxi Services Aruba**

Moko 56 T  
Tel: 587-8850  
Tel: 280-2828  
Whatsapp: 592-7024  
E-mail: a1taxiservices.aruba@hotmail.com

**Taxi Adres Services (24h)**

L.G. Smith Blvd. #234  
Oranjestad Aruba  
Tel. 587 5900  
Fax: 587 1928  
E-mail: tas@setarnet.aw

**PASONAN PA LABA MAN**

E PROCEDURA TA TUMA: 40-60 SECONDE

0 Muha bo man prome.  
1 Pone suficiente habon pa cubri e superficie di bo man.  
2 Frega bo mannan na otro plant'i man cu plant'i man.  
3 Pone bo plant'i man (drecht) riba bo man (robes), 'interlock' cruza bo dedenan den otro. Ripiti esaki na e otro man.  
4 Pone bo plant'i mannan contra otro y 'interlock' cruza bo dedenan den otro.  
5 Frega bo huña di bo dedenan di un man contra e plant'i man di e otro man, mantenendo bo dedenan cera hunto.  
6 Frega bo duim (robes) cu e plant'i man di bo man (drecht) cera riba dje, frega y move den circulo. Ripiti esaki na e otro man.  
7 Cu e punta di bo dedenan di bo man (drecht) frega den forma di circulo contra e plant'i man (robes). Ripiti esaki na e otro man.  
8 Hawa bo man.  
9 Seca bo mannan cu papel di un solo uzo.  
10 Uza e papel pa cera e cranchi.  
11 Y bo mannan ta limpi y safel

Fuente: World Health Organization Traduci pa Dr. Dellanire Y. Maduro Februari 2020

**EMERGENCIA**

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

**BOTICA**

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

**UTILIDAD**

Setar	117
Web	525-4600
Elmar	523-7147

**Centrale Bank van Aruba**  
Daily Exchange Rates - 03/19/2020



Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG <sup>4</sup>	-	-	100.00
USD	1.77	1.78	1.80
CAD	1.20	1.22	1.24
CHF	182.28	183.00	183.80
GBP	1.98	2.03	2.09
JPY	161.53	163.00	164.64
EUR	190.65	192.39	194.32
DKK	24.75	25.47	26.27
NOK	13.94	14.66	15.46
SEK	16.08	16.80	17.60

For amounts up to Afl. 100,000



## Pronostico di Tempo

**Tempo:** Parcialmente nubia cu un awasero breve  
 rafaga: forsa 5te 6 (31 te 50km/or, 17 te 27 nudo)

Temperatura maximo 31 grado Celsius, temperatura minimo 26 grado Celsius.

Bahada di solo 6:50 pm subida di solo 6:43am.

**Biento:** For di direccion entre oost-noordoost y oost y modera: forsa 3 te 4( 12 te 30 km/ ora, 7km/16 nudo) Den dia basta fuerte te fuerte den

**Situacion general di tempo pa proximo 24 ora:**

Aire mas seco lo stroba formacion di nubianan cu por produci awasero. Sinembargo, den oranan di marduga y mainta tempran humedad por bira net suficiente pa por produci e ora ey un awasero breve.

**Condicionnan mariti-**



**mo/ estado di lama:** Un estado di lama modera ta wordo spera pa proximo 24 ora. Olanan ta for di direccion noordoost cu altura di 3 te localmente 6 pia na partinan oost te noordwest.

## Departamento di Finanzas cu tercer fase di contingencia di nos protocol

**RANJESTAD - Departamento di Finanzas (DF) ta informa cu en conexion cu e anuncio di Gobierno di Aruba referente. COVID-19 (Corona virus) a activa e tercer fase di contingencia di nos protocol pa atende cu esaki :**

1. DF lo keda operacional, pero lo ta cera pa atende cu publico te proximo aviso.
2. DF lo funciona pa medianan virtual y electronico (telefon, e-mail, skype, et cetera).
3. DF a habri algun liña extra di telefon pa atende cu preguntanan di publico.
4. Preferiblemente haci uzo di e mailadres aki pa preguntanan : [info@finance.gov.aw](mailto:info@finance.gov.aw).
5. Departamentonan di gobierno lo haya separadamente instruccionnan pa con pa comunica cu Departamento di Finanzas (DF)

Nos lo keda monitor e situacion y lo informa debidamente segun e situacion ta desaroya. Por ultimo nos ta enfatisa e responsabilidad individual di tur ciudadano pa preveni Corona Virus door dikeda laba man bon y frecuente.

## Iglesia Piedra Plat cu Sirbishi live via Facebook page

**ORANJESTAD - Dia-domingo awo 22 di maart 2020 te proximo aviso oficial, Iglesia Piedra Plat lo wordo transmiti solamente live via nos Facebook Page (Iglesia Piedra Plat) cuminsando 10:00 am.**

Nos lo tin Alabanza, Oracion y Predicacion for di Dios su Palabra. E tema di mensahe lo ta: Un regreso na e dianan di Noe y Lot. San Lucas 17: 26-30. Nos ta pidi tur hende pa keda cas y sigui nos sirbishi via live streaming. Corda sigui tur instruccionnan oficial di gobierno relaciona cu e pandemia di Corona virus. Haci Oracion y cuida curpa.



## Cruz Cora Aruba activo dunando sosten durante Covid-19



**ORANJESTAD - Den e ultimo 3 siman, Cruz Cora Aruba a activa su Team di Calamidad y ta preparando pa duna sosten durante Covid-19 na Aruba.**

### Preparacion:

Varios training a tuma luga caba, por ehempel di e uso corecto di PPE (Personal Protective Equipment), anochi di informacion cu Dr. Salazar di DBZ, y digitalmente a manda pa tur boluntario un curso tocante preparacion. Tur e trainings cu ta tumando luga ta pa prepara e team pa por duna sosten na Gobierno di Aruba na momento cu esaki wordo pidi.

### Asistencia Actual:

Na e momentonan aki, na peticion di Gobierno di Aruba, Cruz Cora Aruba ta distribui cuminda na persona/famia bou cuarentena.

### Contact cu nos:

Cruz Cora Aruba tambe ta practica "Social Distance" y a adapta su manera di traha ya for di diamars cu a pasa cu e siguiente cambianan:

- Tur curso na publico y compania ta wordo posponi te proximo aviso
- Tur asistencia na actividad publico ta cancela te proximo aviso
- Asamblea General Anual cu ta planea pa awe, diahuebs 19 di maart ta wordo posponi te proximo aviso
- Charity Bazaar ta cera te proximo aviso
- San Nicolas Branch ta cera te proximo aviso
- Cruz Cora Dakota ta cera pa publico, pero ta disponibel na tel. 582-2219, 560 8359 via Whatsapp y tambe via e-mail: [info@redcrossaruba.com](mailto:info@redcrossaruba.com)

Departamento di Ayudo Social na cel. 568-8896 y [socialassistance@redcrossaruba.com](mailto:socialassistance@redcrossaruba.com)





## ONU: Africa ta mira 'evolucion extremadamente rapido' di pandemia



**JOHANNESBURG (AP) — Mas pais Africano a cera nan frontera ayera mientras e expansion local di coronavirus a converti e continente di 1.3 biyon persona den un frente alarmante di e pandemia.**

Africa ta mirandoun 'evolucion extremadamente rapido' di e brote, segun hefe di Organizacion Mundial di Salud (WHO), Dr. Matshidiso Moeti, a bisa reporteronan. Trinticinco di e 54 pais Africano tin

caso, cu e total di caso alrededor di 650. E prome caso na Africa sub-Sahara a ser anuncia dia 28 di februari, menos cu tres siman atras.

Moeti a bisa cu e no ta kere cu e cantidad grandi di persona infecta ta kedando sin deteccion pero a reconoce un falta ti testkit. Cuarentitres pais tin capacidad pa test, hopi mas cu e dos cu tabatin na momento cu e brote a cuminsa. Pa dialuna, paisnan lo tin 60mil testkit.

Moeti tambe a expresa preocupacion tocante restriccion di biahe y su impacto riba habilidad pa entrega recursonan. WHO a bisa cu ta considerando camindanan humanitario, segun Moeti.

Pero hopi pais Africano tabata tumando nan inspiracion for di China y otro paisnan restringiendo biahe fuertemente.

Diahuebs, Senegal a cera su espacio aereo. Angola y Cameroon a cera frontera , terrestre y maritimo. Ru-

anda a blokea tur vuelo comercial pa un luna. E isla nacion di Mauritius a cera su frontera despues di anuncia e prome caso.

Algun persona den otro pais tambe a existi nan gobierno pa blokea vuelonan.

Sur Africa, unda e cantidad di caso a aumenta di 116 na 150, a bisa cu lo instala un heki nobo na ambos banda di su frontera principal cu e economicamente destrui Zimbabwe, pa stop persona infecta di crusa den ambos pais sin detecta. Sur Africa tin e mayor cantidad di caso den Africa sub-Sahara. Zimbabwe no a reporta caso.

Algun pais Africano tambe a cuminsa limita benta di alcohol pa yuda preveni expansion di coronavirus entre multitud di cliente. Sur Africa a bisa cu tur establecimiento cu vende alcohol pa bebe mester cera entre 6pm-9pm.

Na Uganda, presidente Yoweri Museveni a declara cu 'hende burachi ta sinta cerca di otro. Nan ta papia cu slijm saliendo di nan boca. Nan ta un peliger pa nan mes'.

Na otro partinan, Chad a anuncia su prome caso. Mauritania a anuncia un toque de queda for di pm te cu 6am y a cera restaurant y cafe.

Y presidente di Centro pa Control y Prevencion di Malesa Africano, Dr. John Nkengasong, a adverti cu simplemente ricibiendo e test no mester caba cu preocupacion di tur hende. "Si nan a test bo awe, no kiermen bo ta liber mañan", el a bisa.

## Expertonan Europeo ta acusa Rusa di plama noticia falso di e virus

**BRUSSELS (AP) — Medionan estatal Ruso y esunnan cu ta sostene presidente Vladimir Putin ta entamando un campaña di noticia cu meta pa socava confiansa publico den e habilidad di sistemanan di salud Europeo pa maneha coronavirus, segun un analisis di Union Europeo.**

E reporte, mira pa AP, ta bisa cu expertonan di UE a nota casi 80 instancia di desinformacion relaciona cu e virus durante e ultimo dos luna, incluyendo declaracion cu COVID-19 tabata un arma biologico fabrica pa occidente.

"E campaña ta diseña pa exacerbata confusion, panico y miedo, y preveni hende di haya acceso na informacion confiabel tocante e virus y provisionnan di siguridad publico", segun e reporte, compila pa division di comunicacion di UE asigna pa combati informacion falso.

Expertonan di UE a acusa noticieronan Russia Today,

Sputnik, Oriental Review, Geopolitica y otronan. Como ehempel di reportenan falso, nan a cita storianan bisando cu COVID-19 tabata menos dañino cu grip, desaroya pa Merca, treci na Europa a traves di migrantenan, of exacerbata door di bebe ibuprofen pa alivia sintoma.

Expertonan di desinformacion a bisa cu Rusia poco a kibra imagen di UE desde 2014 door di duna sosten na partidonan ultra-derechista y anti-Europeo, y tambe door di ataca integridad di medionan di comunicacion di coriente principal. E virus expandiendo rapidamente por provee un caminda nobo pa haci esaki.

Cuatro biaha mas buskeda di internet tocante e virus tabata tumando luga na maart cu na fin di januari, y dobel e cantidad ta tumando luga awo, compara cu fin di luna pasa segun e reporte di UE. Monitornan di rednan social y digital ta calcula cu a menciona coronavirus alrededor di 115 miyon biaha online entre dia 1 di januari te cu 12



di maart ultimo. E reporte, di division di Comunicacion Strategico di Union Europeo, a bisa cu RT Spanish ta e di 12 fuente mas popular pa contenido relaciona cu coronavirus a traves di varios idioma, incluyendo Ingles, Spaño, Ruso, Italiano y Arabe, mas popular hasta cu noticieronan internacional mayor.

Mensahenan na Spaño tabata enfoca riba hende na Europa y Latino America pa 'avansa storianan apocaliptico, culpa capitalistanan pa purba di beneficia cu e virus, y enfati-

sa con bon Rusia y Putin ta manehando e brote', segun e reporte.

Rusia a confirma un total di 199 caso di virus. Sinembargo, hopi experto di salud ta predecir e cifra hopi mas halto, cu infeccion kedando sin detecta ya cu no ta test ampliamente pa e virus.

Vocero di minister di Exterior Ruso, Maria Zakharova, ayera a rechasa e declaracionnan di UE tocante desinformacion proviniedo di Rusia, tachando nan di 'fake news' y sugeriendo cu tabata parti di un campaña di de-

sprestigio contra e pais. Zakharova a bisa cu UE ta gusta culpa Rusia pa tur su problemanan y a existi prueba di e acusacionnan den e reporte, bisando, 'si no tin evidencia, ta imposibel pa acusa y pa conduci un campaña di informacion asina agresivo, cu ta casi un atake'.

"Nos ta pidi coleganan di Brussels pa stop usa memes tocante e supuesto menasa Ruso y enfoca den e situacion dificil aki riba yuda Italia, Spaña y otro paisnan di UE cu ta sufriendo di coronavirus", el a bisa.

Vocero di Comision Europeo, Peter Stano a bisa diaranson cu e origen di hopi desinformacion di coronavirus cu ta comparti ta 'sea na Russia of por track esaki na un noticiero cu ta obviamente, y a ser exponi den pasado, como pro-Kremlin'.

Stano a bisa cu tin noticia falso originando na luganan otro cu Rusia, pero no a nombra ningun. "Pero sea ken ta plamando desinformacion ta esencialmente hungando cu bida di hende", el a bisa.



## Departamento di impuesto ta desmenti rumor falso di COVID-19



**ORANJESTAD – Diaranson ultimo un rumor infunda a cuminsa circula via Whatsapp, cu e Departamento di Impuesto ta contagia cu Coronavirus y cu a pone e organizacion completa den cuarentena.**

Segun e comunicado cu nos a ricibi ta indica cu Departamento di Impuesto ta lamenta y desmenti esaki completamente. Nos ta consciente cu COVID-19 por afecta un colega, cliente y/of partner strategico, sea ta den e facilidadnan di Departamento

di Impuesto of cualkier otro sitio riba nos isla. Maneho di Departamento di Impuesto ta funda riba prevencion di propagacion di COVID-19 y ta tuma esaki hopi na serio. Departamento di Impuesto ta sigui e protocol estableci pa Gobierno di Aruba y proactivamente a tuma pasonan preventivo, manera manda personanan di riesgo halto cas pa keda den cuarentena. Na ningun momento esaki ta implica contraccion of transmision di e virus en cuestion.

Nos prioridad como Depar-

tamento di Impuesto ta ehecuta e leyman di impuesto di nos pais y tambe como dunado di trabao, cuida semper e bienestar, salud y derecho di privacidad di cada empleado. Gerencia di Departamento di Impuesto ta lamenta e alegacionnan falso cu ta circulando. Esakinan ta genera panico, miedo y desconfiansa innecesario entre e coleganan y e contribuyentenan.

Gobierno tambe ta desmenti e alegacionnan y ta bisa cu Hulp Bestuurskantor San Nicolas a ser drecha siman pasa y dialuna cu a pasa a

desinfecta e edificio. Y asina a pone e lugan den bon estado di trabao.

A pone un sistema di rotacion den e empleadonan pa evita aglomeracion y a baha e cantidad di cliente den e edificio. Hulp Bestuurskantor San Nicolas ta sigui protocol estableci pa Gobierno y proactivamente a tuma pasonan preventivo, manera manda personanan di riesgo halto cas pa keda den cuarentena. Y esaki a sosode tambe cu un empleado cu a bishita praktik di dokter.

Nos prioridad como Hulp

Bestuurskantor ta tene e higiena y siguridad di nos empleadonan y di nos clientenan na prome lugan.

Alaves ta lamenta e alegacionnan falso cu ta circulando cual no lo tolera y esaki lo ser investiga. Esakinan ta genera panico, miedo y desconfiansa innecesario entre e coleganan y e contribuyentenan.

Por ultimo Departamento di Impuesto ta haci un suplica na comunidad di Aruba pa practica recomendacion di prevencion di Coronavirus y tambe sigui nos pagina di Facebook of bishita [www.impuesto.aw](http://www.impuesto.aw) pa informacion veredicto encuanto e desayonan relaciona cu COVID-19

## Ampliacion di canasta temporal COVID-19

**ORANJESTAD - Recientemente Ministro di Finansa, Asunto Economico y Cultura a anuncia cu den cuadro di brota global di e coronavirus (COVID-19), entrante 20 di maart 2020, lo bay regula extra productonan di necesidad temporalmente. (articulo 2 di Prijzenverordening).**

E siguiente productonan lo bay wordo regula temporalmente:

Producto	Margen mayor	Margen detal
Desinfectante pa uzo personal (handsanitizers, alcohol 70%, glacial, habon pa uso personal) y domestico (productonan cu ta contene chloor, Lysol, wipes)	9%	14%
Bebidanan cu ta contene elektrolyten	9%	14%
Papel di WC	9%	14%
Ekipo di proteccion (masks, gloves)	9%	14%
Bruki pa Baby	9%	14%
Dried fruit	9%	14%
Baby wipes	9%	14%
Baby pampers	9%	14%
Cornflakes plain	9%	14%
Frozen fruits	13%	15%
Frozen Chicken whole legs and Chicken wings	13%	15%



E mayorista mester cuminsa calcula y adapta e prijsnan di e productonan aki cu e margennan menciona nan mes desde dia 20 di maart 2020. Igualmente e detayista (supermercadonan, minimarkets) tambe tin cu adapta nan prijsnan basa riba e margennan indica. Departamento di Asunto Economico (DEZHI) lo haci control retroactivo riba e prijsnan. Pa e motibo aki ta haci apelacion na tur mayorista cu ta ofrece e productonan aki den mercado, pa manda factura y gastonan di transporte di ultimo carga pa cu calculacion di prijs maximo pa e productonan menciona, dentro di 24 ora (conforme articulo 4 di prijzenverordening).

Por favor manda tur documento digital na [x.boekhoudt@deaci.aw](mailto:x.boekhoudt@deaci.aw). DEZHI lo cuminsa haci calculacion di prijs maximo di e productonan special aki y tambe publicacion di esakinan.



PR di DVG, Jurette Croes

## Hende mester cumpli cu isolacion y cuarentena corectamente

**ORANJESTAD – Jurette Croes, kende ta PR di departamento di Salubridad Publico (DVG) a bisa cu ta existi un incertidumbre entre kico ta nifica especificamente isolacion y cuarentena, kiermen e diferencia entre nan dos; y con pa mantene na esaki.**

Un cos cu e ta haya fundamental ta, dicon ta importante pa cumpli cabalmente cu isolacion y cuarentena pa evita cu e virus lo sigui plama na Aruba.

### Cuarentena y isolacion

E palabra cuarentena ta nifica 40, pero den e caso aki nos ta papiando solamente di 14 dia of dos siman. Nan ta bin cu cuarentena di dos siman, pasobra esaki ta e periodo di incubacion durante cual e virus den bo curpa ta desaroya su mes, a pesar cu bo ta sinti bo mes bon mes. Pues den e periodo di dos siman ta wordo spera cu e virus lo por manifesta su mes.

Un persona por wordo poni bao cuarentena ya sea pa e centro diagnostico, dokter di cas, hospital y tambe na aeropuerto. Unabes cu bo ta wordo poni bao cuarentena, esey ta nifica cu bo mester bay bo cas y bo no por tin contacto

cu hendenan di afo.

Pues ta importante cu den e periodo cu cuarentena abstene bo mes di ta den sociedad y tambe den bo ambiente di famia. Croes a laga sa cu den e caso di cuarentena ta preferibel pa bo keda den bo camber. E no ta facil, pero nos tin cu purba pa evita cu e casonan di coronavirus sigui aumenta.

Den e periodo di cuarentena bo mester coordina cu bo familiar con pa entrega cuminda, ya cu bo no mester sali pa haci compras afo. P'esey e ta conseha cu den e periodo dificil cu henter mundo ta pasando aden, ta importante pa nos fortalece nos lasonan familiar.

Si bo ta biba den un cas cu mas persona y bo ta cuminsa sinti e sintomanan – entre nan tosamento seco – bisti un mask pa protege e otro nan den cas. Igualmente laba bo man frecuentemente, alimenta bo mes bon y bebe bo vitaminanan, separa tur bo cosnan di come –entre nan tayo, forki, cuchiu, serbete, etc. – for di esunnan di bo famia. Si bo ta tosa of nister ta importante pa uza un napkin, y tir'e afo den un saco di plastic y mar'e. Tur e actonan



aki ora bo ta den cuarentena hacie conscientemente pa preveni al maximo di contagia bo famia.

Na momento cu bo tin sintoma, DVG ta conseha bo pa descansa hopi, bebe Paracetamol cu ta un remedi eficiente y e no ta duna bo niun complicacion. Croes a haci enfasis pa bebe hopi awa, considerando cu bo lo haya keintura halto. Evita cualkier bebida cu sucu, pero si bebe

hopi likido. Evita contacto directo cu bo famia y cualkier contacto cu bo famia hacie via telefon of video call. El a recomenda tambe si un persona ta bao isolacion y/of cuarentena pa haci chat group di famia pa e persona por comunica y haya sosten di henter famia.

Un persona ta bay den isolacion ora cu a sali positivo pa e virus aki. Tambe tur e recomendacion haci pa e per-

sonanan den cuarentena ta vigente pa esunnan den isolacion. El a trece dilanti cu e persona cu ta mas na riesgo ta e adultonan di mas cu 60 aña di edad. Tambe e persona cu tin malesa cronico manera problema cardiovascular, obesidad, presion halto, diabetes, persona cu sistema inmunologico abao, ya sea persona cu cancer, persona cu HIV positivo, etc.

### Advertorial

## RBC Royal Bank takes decisive action to help clients impacted by COVID-19

**TORONTO (CANADA) - Today, RBC Royal Bank (RY on TSX and NYSE) ("RBC") announced plans to provide financial relief to its Caribbean clients impacted by the ongoing novel coronavirus (COVID-19) global pandemic.**

Effective immediately, most RBC Personal banking clients in the Caribbean will benefit from an automatic three-month payment deferral on credit facilities. Business and Corporate banking clients are also eligible for the relief program, following individual eligibility assessments with an RBC representative. **Automatic payment deferrals will be applied as of March 17, 2020 and remain in effect until June**

**30, 2020, or until further advised.**

**To be eligible for the program, Personal banking or Business and Corporate banking client accounts must be current and in good standing as of March 2, 2020. Clients who are already participating in RBC relief programs for other circumstances are excluded from this program.**

The relief program is intended to provide flexible solutions and help clients manage through the impacts of COVID-19, such as pay disruption; childcare disruption due to school closures; or dealing with the COVID-19 illness itself.

These measures are an im-

portant first step and underscore the resilience of the financial system and the critical role banks play in the economy. RBC will continue to monitor COVID-19 and the evolving economic conditions in each country and territory where the bank operates. RBC may consider other relief measures, if necessary.

RBC has a long history of standing by Caribbean clients through challenging times and this commitment will continue throughout this crisis and beyond.

### About RBC in the Caribbean

With more than 110 years of dedicated service to the region, RBC has a presence in 17 countries and territories, with 52 branches and

over 3,000 employees serving more than one million clients. As one of the Caribbean's leading diversified financial services companies, RBC provides personal and commercial banking, wealth management, corporate and investment banking, insurance and trust and asset management services to a wide range of clients, including individuals, small businesses, general commercial entities, regional and multi-national corporations and governments. For more information, please visit [rbc.com/caribbean](http://rbc.com/caribbean).

### About RBC

Royal Bank of Canada is a global financial institution with a purpose-driven, principles-led approach to delivering leading performance. Our success comes

from the 86,000+ employees who bring our vision, values and strategy to life so we can help our clients thrive and communities prosper. As Canada's biggest bank, and one of the largest in the world based on market capitalization, we have a diversified business model with a focus on innovation and providing exceptional experiences to our 16 million clients in Canada, the U.S. and 33 other countries. Learn more at [rbc.com](http://rbc.com).

We are proud to support a broad range of community initiatives through donations, community investments and employee volunteer activities. See how at [rbc.com/community-sustainability](http://rbc.com/community-sustainability)